

84 (2Рос-ко)

M71

Александр
Михайлович

СВОБОДОМ
ДОУ



1

Александра
Мишарина

СЪОЛОМ ДОЧ

357163 КЫВБУРЪЯС
НЮМСЕРЪЯС

Коми республиканская
ДЕТСКАЯ БИБЛИОТЕКА
имени С. Я. Маршала

Сыктывкар

Коми книжной издательство

1996

84.2 Рос-Коми
М 71

Мишарина А. П.

М 71 Сьёлём дой. Кывбурьяс, нюмсерьяс.— Сыктывкар: Коми книжной издательство, 1996.— 144 л. б.

ISBN 5-7555-0596-9

Александра Мишарина лысь кывбурьяссь коми поэзия радейтысьяс важён нин тёдöны и радейтöны.

«Сьёлём дой» — коми поэтессалён лирической выль гижöд чукöр. Кывбурьяс тэчöма сьёлёмсяныс. Найöс лыддигöн казялан, мый гижöдыс йиджтысьöмаöсь чужан му, миян вөрва динö радейтчöмөн. Эмöсь книгаын и муслун йылысь кывбурьяс. Сиджкö кольöны вежөрö неыджыд серамбана висьтыяс (Петыр Саньёлён нюмсерьяс).

84.2 Рос-Коми

М $\frac{47023102000 - 033}{М 128 (03) - 96}$ 25 — 96 м

© Мишарина А. П., 1996

© Шарипков Г. Н., художник, 1996

ISBN 5-7555-0596-9

© Коми книжной издательство, 1996

Кызылбуура



СЬӨЛӨМ ДОЙ

«Сьөлөмөй бөрдө и сьылө...»

Тима Вень

Менсым шогөс тэныд
Не нин гөгөрвоны.
Менам местаө
И мөвпнад он куж воны.
Гашкө, кажитчө тэн:
Уна меным колө.
Төдін кө, мый
Мустөм вөлі нин мен олөм.
И эз сы понда,
Мыйкө мен эз тырмы.
И эз сы понда,
Көть кыз менө эз зырны.
Менам сьөлөмөй эз бөрд нин и эз доймы.
Некод дорө
Шоныд-югыдсө эз кой нин.
Олөм дорас
Вөлі көдзалөма, веськодь.
Мый и водзөсө,
Эн дойд кө менө эськө?
Гашкө, кокни вөлі,
Сьөлөмөс эз зырт өд.
Юрөн-кокөн пыри
Веськодьлунлөн йирө.
Синватөм да дойтөм олөм
Содгис нэмөс.
А поэтлы сэтшөм олөмыс нө эм-ө?..

* * *

Дженьыд мортлөн олөмыд,
Бытгё төвся лун.
Унатор көть колө на
Вөчны: кад пө мун...
Дзоридз коса кералө,
Жалитөм оз төд.
Дойсө кылө, сералө
Кодкө мед нин мөд.

* * *

Мыйла тэ мен медся муса?
Гашкө, синмад енэж лөз.
Но өд кытшовтны кө мусө,
Уна сюрас сэтшөм йөз.
Мыйла тэ мен медся муса?
Сөстөм сьөлөмыд и лов.
А вот муса да и муса,
Некод тэ кындзи оз ков.

ЧУЖТӨМ КАГАЯСЛЫ

Гөрддзасьё на мортлөн олөмыс,
А юрсё пудьялөны: колө-ө?
Лэдзны вольной светас сийөс?
Палач моза мамыс виө.
Сідз, чужтөг мыйта олөм орө тан,
Көть ставныс вөсна бөрдны горөдан...

* * *

Челядь руйө оз и пет,
Век мен кодкө муса.
Вежөрөс вай, Енмөй, сет.
Мед нин сэсса куса.

Абу өд нин том да збой,
Чужөм тыр нин чукыр.
Но со бара узытөм вой.
Босьт дай сьөлөм нюкырт.

Юрын муса-й лун и вой,
Сылы пөсь ни көдзыд.
Бара тулыс, сьөлөм дой.
Мый и аскөд вөча.

ОЗ ИНАСЬ ЛОВ

Енэж царствоас
Ме кулём бёрын төра?
Ог!
Адас лэчча, гашкё,
Грека морта мозыс?
Шог...
Ог ме кач нин лёзас.
Ог усь вояс: век коть пов...
Енма-муа костас
Некытчө оз инась
Менам лов.

* * *

Кутшөм дыр нин
Эгө адзысылөй ми тэкөд.
Мыйкө вежсьёма нин,
Лоёма со мекөд.
Босьтлас гажтөм,
Сэссия ыркалан и вунан.
Век жө шог, мый
Сьөлөм бердысь
Пышгьян-мунан.

КОР ЭМ ТЭ

Кор эм тэ,
Керкаыс сэк быттьö югыд.
И менам чужöмöй сэк
Весиг абу жугыль.
И быттьö шоналöма менам
Кöдзыд пачöй,
И биа öгыр моза öзья ачым.
А менам сьölöм вылын лоö дзугыль,
Кор саймовтас нин тэнö
Уличыввса чукыль...

ГОРТТÖМ ПОН

Горттöм понйöс вердiс пöчö.
Дерт жö, сийö буртор вöчис.
Понйыс велалiс сы дорö:
Сöмын сылысь никсö-корö.
Юклiс пажынсö и ужин,
Жалитнытö сийö кужис,
Больничаясь лэдзöм бöрын.
Гортыс сылөн парма шöрын,
Карсяныйд öд вывтi ылын.
Понйыс бöрдö кильчö вылын.
Жалитас-ö кодкö сийöс:
Лёк морт чужьяс, гашкö-й, виас...
Тадз жö менö малыштлiсны,
Сэсса бöрас тальштiсны...

* * *

Садьми — лöz югыд на сöмын,
Енэжсяньыс ва лым шляпкö.
Петі ывлаö гынкöмөн,
Юрö пункті гöна шапка.

Воськовті ме кильчö вылö,
Кок пыдöсöдз йиджис ваыс.
Усигмозыс лымйыс сылö.
Мый нö бурыс öні таысь?

Йиа-сöника ва кузя
Он нин кывтлы ветки пыжөн.
Ывла вугырвидзö-узьö,
Оз на ков ни дадь, ни лыжи.

БЫДТОР ТӨДНЫ КӨСЙЫСЬ КАНЬ

Каньлөн видлыгөмтор абу.
Кампет мешөк вайис бабө,
Кисьтис сакарнича тыр.
Куш мешөкас дзик жө пыр

Васька суйис ассье нырсө,
Юрыс сэтчө сибдис пыр жө.
Думсье корсис сэтысь чери.
Мый нө сэсса ськөд керан?

Өшинь вылысь дзоридз пөри.
Өдзөс восьса — сийө йөрө.
Струба сюрө зяткис юрсө,
Мешөкыс оз шед, да мурзө.

Уськөдчи да сэсса дорйи.
Повзьөм сингьяса со борйын
Пукалө да век на шензьө.
Бабө ськөд скөра вензьө.

ТШАКЪЯС

Мөдлапөвса яла ягын
Мыйта петөма нин тшакыс.
Сулалө со дзик пу улас
Гөрд шляпаа гөбийс тшапа.

Быттьө шуө, эн жө коль пө
Банйөм чужөма ён рыжик.
Босьт да чуманад вай пукты,
Вуджөд менө гортад пыжөн.

А со сәні мича масла
Быттьө шуө, ме пө, кылан,
Босьтан кө, он ворссы меён,
Шыдыд меысь лоө сыла.

И иванчик асьсө вөзийө:
Менө, челядь, ті кө босьтад,
Төв кежланыд сөйөм вылө
Паччөрад и пачад косьтад.

Уна пөлөс тшак на ягас,
Ставсө дозъясаным өктам.
Понтшакөс ог босьтөй сөмын,
Мед көть босьтны асьсө тшөктө.

ВОТЧАН КАДӦ

Коньӧр ошкӧй
Ӧдва пошкӧ —
Ягнас йӧзыс тыр.
Вӧрӧ пыдӧ
Сылы бытъӧн
Ӧнӧ пышйы-пыр.

Тырӧ лолыс,
Абу долыд,
Мед кӧть озыр ар.
Понӧль швачкӧ,
Нырас вачкӧ,
Рака горзӧ: «Кар-р!

Морӧн лыйӧм,
Тӧнӧ кыяс,
Он кӧ пышйы, морт.
Пыдӧ вӧрсьыс,
Мун, эн гӧрсьы,
Аслыд вотӧс вот.

Праздник лунад,
Семӧн лунад,
Небзьӧд налысь гач.
Медым асьныс
Йӧзыс татысь
Пышгьясны бӧр скач».

КАДЫСЬ ВОДЗ

Октябрыс вежон
Арся ногөн оліс.
А сэсся төдлытөг и
Көдзалис друг лолыс.

И еджыд дөра
Идравтөм на муяс
Кызды быттьө вевттис
Мунны бөрья туяс.

И кутіс йи.
А ыргөн корья пелыс
Со пывсян дорын
Лым пиодыс келө.

ЧУЖАН ГОРТЫН

Мамёлы да Агния чойлы

1

Корьяс гылавтөдз
Лымйыс усис.
Ар-ө, төв эськө
Тайё шусьё?
Ноябрь төлысь на
Восьтис өдзөс.
Трачкакылө нин
Төвся көдзыд.

2

Сэзьдөм енэжлань,
Кельдөм төлысьлань,
Ломтөм пачьяссиянь
Тшыныс кайё.
Асья югдигас
Чужан сикт весьтын,
Ловлөн кыпалөм
Меным тайё.

Ен ув пельёсын
Бара пукала,
Табак тшыныс
Оз дөзмөд менё.
Чоййй куритчө,
Мамө пачводзын
Васька каньнымкөд
Воис венё.

Йөвсө шонти-а,
Он и сэй пө тэ,
Плешкад печикта
«Кызыуровлы»!
Мөдыс чери ли
Яй на корө.
Чужан гортын куш
Тадзи овлө.

Сэсся некытысь
Татшөм шоныдыс
Менам сьөлөмлы
Эз на сюрлы.
Көть и атгьөсө
Шуны позьө
Меным йөзсяньыс
Воом бурлы.

3

Куимөн на панясам
Өти пызан сайын.
Тайө меным олөмын
Югыдлунсө вайө.
Сетө чужны сьыланлы,
Лөк йөзысь не повны.
Синва пыр, но серамөн
Накөд орччөн овны.

Номи респ. Башкортостанская
ДЕТСКАЯ БИБЛИОТЕКА
имени С. Я. Маршана

КАССЯНА ВО

*Зина Кармановалён
югыд паметьлы*

Некыдзи оз помась
Тайö воыс.
Мыйта вайис
Сійö йöзлы дой.
Неминуча
Бара на со лоис,
Сё морт гөгөр
Пасьмунисны!.. Ой!..
Самолёт эз пуксы,
Мыйла сылөн
Йöзöс вайны
Эбöсыс эз ло!
Вочавидзём
Öткодьöс пыр кылан.
Тайö сійөн,
Кассяна пö во.
И войнаыс
Му вылын оз помась.
Öта-мöдсö
Виалöны йöз.
А салдатгяс
Сэтшöминик томöсь...
Оз нин тыдав налы
Енэж лöз.
Весиг вöрыс-ваыс
Мöд ног олö:
Кынтö пуктас,
Кöдзыдалö пыр,
Няня муяс косьтö.

Кассян волөн
Лёк поводдя
Чукёртёма тыр.
Тшак-вотёслөн
Таво гежод серыс.
Парма вөрным
Сетьшитёма чод.
Бытгё Енмыс
Нарошнө сідз керис,
Гашкө, сійөн, —
Рёмыс сьлөн сьод.
Гожёмыс эз вöv
И арыс бара
Повзьодчө,
И виччысям со төв.
Воас сійө сиктгясө
И карө.
Сьолөм дойöй
Некыдзи оз чöv...
Лёк во нуис авья
Коми аньös.
Прөстит, Зина,
Төдмалі ме сёр.
Овлім тэкөд
Öти солөн-няньөн,
Карад сэки,
Велөдчимöй кор.
Кövьясьөм пö тэныд
Сьökыд висьөм.
Кодös лөньөднысö
Абу вын?..
Бурдөдны ни вердны —
Ставыс киссьөм.
Чина йөзлөн

Сьолөм йи кодь кын.
Нель дас арнад
Кольны вольной светсö
Кодлы абу
Сьолөм дойдз жаль.
Олөмыс мөй
Та мында и бетсьö?!
Дыр-ö сийö
Менö тшöтш оз таль?

* * *

Потшöс дорын сулалö
Зарни корья ар.
Пивсяндорса пельсьлөн
Розйыс югид, яр.

Öтава нин ыгшкöма,
Вижödöма видз.
Кисьмöмаöсь вотöсьяс —
Арлөн медшөр мич.

Чуксасьöны гөлөсьяс
Вöрын сэн и тан.
Кымөр костысь мыгчö на
Шондi югид бан.

Бөрья дзоридз шыблалö
Картупельлөн кор.
Сийö сөвмö-быдмö на,
Абу на öд сёр.

ЧУЖАН СИКТЫН

«Кыдз нин олө менам Висер юйй...»

(«Вежсьом» кывбурысь)

Карсьыс вөтлөны мөй тәнө,
Бара туйтөгыс пө тан, —
Тадзи велөдчигөн менө
Видліс тшөкыдакодь мам.
Йиыс рыж на — вуджа подөн,
Сьод вой кежлө воа пыр.
Но а өні кутө коді,
Гортө вольгөтм нин дыр.
Коркө рөспутагысь повлім,
Туйсө восьтліс көдзыд төв.
Дыр кад янсөдчөмөн овлім,
Өні туйыс быттө ньөв.
Көть тэ быд лун сиктад пывсьы,
Турун пуктыны оз ков.
Сөмын өні видзө шырсьыд
Мамө кань — став ловъя лов.
Телевизор, көсьян, видзөд,
Клубө петны оз и ков.
Быттө ставыс лөсьыд, мича,
А вот важас кыскө лов.
Моторгөм на ветки пыжъяс,
Юсьтуруна берег дор.
Кук йөраным мөсным, ыжъяс,
Петук чуксасьөмлөн гор.
Бурмөдам-ө сөмын олөм,
Көкньөдчамө, он и төд?
Чужан сиктын мамө олө,
Сэсья карын — дзик став рөд.

* * *

Тан дженьдось гожомьяс,
Кодзыдось товьяс.
Поводялөн асныра сям.
Тан веськыдось пожомьяс,
Но мед кө вой товьяс,
И дзоридзяс быдмёны тан.

Дыр виччысян шоныдыс
Кажитчө мелі,
И войтырыс тан торья бур.
Мед кымөрьяс костодыс
Шондыс келө,
А шогсыны кадыс оз сюр.

Сё майбырöй овнытö
Томдырся кадö.
Ас муö тэ лэдз ассыд вуж.
А сылы и ковнысö —
Шудыс да радыс:
Оз шог вылö мортыс öд чуж.

* * *

Шонді вөлі югыд,
Быд морт торъя шань.
Өні ставыс гуга
Лоис, шондiban.

Некодлы ог эскы,
Тода — ставыс лөж.
Эг кө вөв ме веськыд,
Эг эськө и гөж.

Менам эськө вөлі
Важөн аслам поз.
Олі кө, дерт, чөла,
Кыдзи азым воз.

МЕ ШУДА ВӨЛІ

Кор муса вөсна воштывлі ме юрөс,
И сюрліс меным сәки этша бурыс —
Ме шуда вөлі.

Кор муслун менө йөйталөмөдз вайліс,
А лолөй сәки енәжөдзыс кайліс —
Ме шуда вөлі.

Кор полөм ме эг кыв, мый верма усьны,
И юр сюянін весиг эз вөв узыны —
Ме шуда вөлі.

Том дырйи ёнасө ме эг и шогсы,
И эновтчылі водзвыв пунктө могсьыс —
Но шуда вөлі!

ЯНСӨДЧӨМ ВОДЗВЫЛЫН

Арся шонді улын бөръя козин юлы —
Берегдорса кыддзыс пунктө сійөс пыдди.
Мича веськыд пуыс видзөдчыштіс юас,
Вижөдөм нин корнас весиг быттьө нормис.

Рөмпөштан кодь ёлысь нинөм абу кольөм.
Гудыр ванад олөм кодлы сылөн колө?
Бурджык — еджыд дөра сылы морөс шөрас.
Мед нин йи куд улас дзебсяс, быттьө кулө.

* * *

Эз на виччысь некод төв,
Узигкості сійö воис.
Төрүт лымйыс эз на вөв,
Талун еджыд муыс лоис.

И руд пася полысь көч,
Адзис ывласö и шемös.
Бörd көть сэсса, мый көть вөч,
Повзис-дзörзис коньör пемös.

Öдийö пуксис вурны пась,
Дзик жö лым рöмаös сійö.
И кор лои сійö дась,
Збоймис: «Öни менö кыйöй!»

КУЗЬМА

Чужис каньпи

Сэтшөм мича!

Сетім сылы

Кузьма ним.

Гортын лелькуйтам

Да видзам.

Быдмис,

Шыртö кутö нин.

Пашкыр гөна

Мича зонка,

Эг и төдлөй,

Вежис сям.

Гөбөч вылө

Вит пи вайис —

Миян Кузьма

Лоис мам.

Кузьма нимөн

Асьсө төдө.

Выль ним сылы

Он нин сет.

Ог нин вежны,

Сідзкө, мөдөй,

Кузьма кө и,

Кузьма мед.

АСЪЯ КЫА БӨРСЯ...

Асъя кыа бөрся
Югыд шонді петө.
Майбырөй дай тулысөй,
Мыйта радлун сетан!
Шонді петан кадө
Сьөлөмыдлы долыд.
Кыпалан да качан,
Быттьө райө волан.
Окота сэк сывны,
Быттьө шогыс абу.
Ставыс миян олөмын
Тыр-бура да лада.
Бур йөзыслы окота
Ыджыд аттьө шуны.
Босьтны ассыд мусатө,
Кияс вылад нуны.
Кагаяслы, челядьлы
Радлыны да ворсны.
Мича югыд томлунлы
Ассьыс пөвсө корсьны.
Верстьөлы да пöрысьлы
Дзоньвидзалун сиа.
Медым быдөн вöліны
Зиль да шуда киа.
Медым быдөн пуктисны
Öта-мөдсө пыдди.
Уна-уна бурсө на
Сьөлөмсянь ме лыдди.
Югыд тувсов лунгясас

Шуд мед ставлы сюрö.
Мойдын моз жö олöмыс
Помасяс мед бурöн.

* * *

Кор пöчлысь петкöдiсны горт
Бать керкаысь, ме бöрддзи гора.
Ме вöли сэки ичöт морт,
Но быттьö пытшкысь мыйкö ори.

И тайö медводз сьöлöм дой,
Ас вежөрöн нин кодöс кылi,
Мый воас помасьлытöм вой,
И мунам век кежлö му вылысь...

Ме öнi кулöмысь ог пов,
Öд быттьөн коркö сэтчö воан.
Кöть мыйта му вылас тан ов,
Пыр помасьлытöг мыжа лоан.

Оз тэнö некод гөгөрво,
А кодкö ямзяс мунöм бöрын.
И коляс уна-уна во...
И вунас гуйö креста йöрын.

* * *

Му люкавтöдзыс овны,

Кадысь водз-ö

Мусинас водны лоö,

Он и төд...

А олöмыд öд

Мустöммывлö шоча,

И мыйта ов көть,

Сыысь он и пöt.

И виччысьны, и эскыны

Ме мудзи.

И торйöдны ог куж,

Кön лöж да збыль.

И коланторйыс

Олöмысь оз судзсьы.

Но бара асыв,

Бара луныс выль.

Бөр шондыслы дзирья

Öшинь восьса.

И вунöма нин

Шогыс менам важ.

И долыдлуныс сывтырьяс

Бөр босьтö.

Да корö водзö овны

Олём гаж.

ОЛӨМ

Овлан меліөн тэ,
Кызди шондіа лун,
Кутшөм овлывлө
Тувсовлань, мартын.
Сэк и сингысад ворсөдчө
Вильышкодь нюм,
И пось югөрөн
Морөсө вартө.
Но и вежон оз коль,
Войвыв тулысыс моз
Лымийөн-турөбөн
Койыштан яра.
Но өд ме абу ляб,
Ме кыз парма шөр коз,
Лымнас мыся
Да кыпидма бара.

* * *

Оз помась некыз тайө войыс,
И асиввылыс век на съөд.
Оз личөд нинөм сьөлөм дойөс,
И некод вийсьөмөс оз төд.
А водзын лоас нөшта гажтөм,
Өд талялө нин пөрыслун.
И коляс казътывлыны важсө,
И өткодь лоас дзик быд лун.

* * *

МОЛО

Ратшмуні да шөри поті
Төвся пос.
Лымйыс бырө, кызди пачын
Сылө гос.
Өшинь улын эжа веж нин,
Град выв сьод.
Муыс-ваыс менсьым шогсьомөс
Оз төд...

* * *

Асывнас, кор шондї
Югыда зэв петө.
Төд, мый зэра лунлы
Сійö туйсö сетö.

Лысва кö оз усылы,
Бара куляс-зэрас.
Енвевтувса мулы
Уна лёктор керас.

Мунас чардöн-гымön,
Пуктасьяссö нырас.
Повзьöдчана шыön
Сьölöмгьясö пырас.

Бара чардби инмас
Медся ыджыд пуас.
Тайö бур му вывсьыс
Нем жалиттöг нуас.

* * *

Карад тулысыд ныйт,
Сиктад — сөстөм да мича,
Парма вөрным, эг чайт,
Пыр на олөмсө видзө.

Чарөм вылас сьод са,
Оз на сәні со пукав.
И кыз пу зарава
Абу карасин дука.

Сиктын быдмылөм йөз,
Мыйла нетшкысям карө,
Сәсь, көн енэжыс лөз,
Шонді мыччысьö яра?..

ИЮЛЬ

Гожөм шөр, а ваыс туө.
Шорьяс визувтөны юө.
Турун голяөдз нин воө,
Бытьөн ытшкынытө лоө.
Шондитөгыд он на косьты,
Этша на тай сытөг босьтан!
Зэрлы сетөмаөсь вөля,
Кызлы коскөдзыс нин пөлян.

ЗЭРА КЫМӨРЪЯС

Зэрө-й, зэрө,
Оз и дугды.
Некызд енэжыс
Оз югды.
Видзыс-муыс
Нильзис-вазис.
Кымөр кизьяссө
Тай разис.
Яндысьнысө
Налы немьсь.
Сы вылө пө
Ми и эмось.

МУНӨНЫ ЁРТЪЯС

Коли кассяна во,
Чайті, став лёкыс бөрын.
Да, вот бара на со
Тайө во вылас төрө.
Төдса ёртъясөс пыр
Кулан висьөмыс шырө.
Регыд керкаө тадз
Пыралысьясыд бырө.

МЫЙӨН ОЛА МЕ...

1

Мыйөн ола ме,
Көть мый ме вөча,
Төда өд, мый
Тэныд пөсь ни көдзыд.

Сьөлөмыд оз вөрзъыв,
Көть ме кула.
И он төд, мый
Бара өшинь улад

Гегдөм киясөс
Пөсь лолөн шонта.
Өшиньясад биыд
Быттьө шонді.

2

Көдзыд менам сьөлөмлы,
Көдзыд менам ловлы.
Кутшөм гажтөм вөлөма
Бур йөзыстөг овны.

Ковтөмъяс да мустөмъяс
Волывлөны гортө.
Төда, оз өд пуктыны
Найө менө мортө.

Весиг гажтөм думъясөй,
Сьыланкывийөй менам.

Муса йөзкөд, лунгьясөй,
Менсым шөгсө венад.

3

Кыдзи быдмө дзоридз,
Сингьяслы оз төдчы.
Сідзжө муслун воө
Олөмад тән өтчыд.

Сэсса сійө быдмө,
Бордгьясьө да качө.
Дзоридз кодыс лоан,
Он и төдлы ачыд.

4

Вот босьта да шевкнита киясөс,
Лөз енэжлань кыпөдча лэбачыс моз.
Мед вичкоыс сисьясөн биасяс,
Но ас муөй, бур йөзөй оз лэдзны, оз.
Ог вермы на кувнысө, донаяс,
Өд сьөлөмөй кыскө на ті дөрө пыр.
А ті дорын небзя и шонала,
И олөмсө радейтөм оз дзикөдз быр.

5

Мый нө эськө меным колө?
Унджык йөзыс тадзи олө:
Шудыд гежөда жө волө,
Олөмыс оз ёна долөд.

ОЛӨМ-ВЫЛӨМ

1

Войтва виялас, а войнас
Муыс лоө көрт кодь кын.
Бара менам сьолөм доймө,
Эновтöны шуд и вын.

Войвыв тулыс кодыс олөм:
Шөнді шонгыштас и бөр,
Сэтшөм көдзыд меным лолө,
Сэки ырзөмөн көть бөрд.

2

Шуасны кө: «Выльысь ов!»
Воча шуа: «Мем оз ков.
Ог нин ло ме сийө ачым,
Сідзкө, татшөм менам лача.
Тайө менам шуд и шөгй,
Олөм-вылөмөй и могөй».

3

Кыз олөмсө нин
Лои менам олөма.
Но век на водзысь
Бурыс мыйкө колө на.
Да, сьөкыд меным
Енмыслы нин эскыны.
Кызд кусөдөм бишуртө
Сьөкыд пестыны.

И бөрҗя туйё
Вичкоын оз сьылӧдны.
Но эска, сэк
Оз таявны ни ылӧдны.

* * *

Нопйӧй сьӧкыд, туйыс кузь.

Выль во войӧ ме ог узь.

Парма шӧрын мича коз,

Баситӧны бара-й оз.

Мудер руч и тӑрыб кӧч,

Винӧв кӧин, Ёма пӧч?

Нопйӧй козингясӧн тыр,

Мед жӧ эбӧсӧй оз быр.

Лым-ныв, отсыштны вай лок,

Мича чужӧм, тӑрыб кок.

Митӧг Выль во быгтӧ ваяж,

Кусас серам, кусас гаж.

Мед кӧ дзор нин менам тош,

Парма вӧрад ме ог вош.

Нопйӧй сьӧкыд, туйыс кузь,

Выль во войӧ ме ог узь.

ЧЕЛЯДЬДЫР

Челядьдыр, тэ өд сөмын и олөмлөн мич,
Кыз нө паметяд, сьөлөмад тэнө он видз...
Көть война бөр, и сьөкыдыс йөз вылө пуксис.
Көть и тшыгылім ми, вөлім шудаось сэк.
Йизьом гынкөмыс мамөлөн миян эз косьмыв.
Ыджыд чойлы — дас нель, со нин кыскалө кер.
А ми вокөйкөд — кагаяс, сэтшөм на посни.
Ен ув пельөсын образ миян өшаліс стенин.
А детсадыын, ме помнита, вөлі сэн Ленин.
Челядь вежөрөн сэк нин ме кык думөн олі:
Дона вөлі мем Ленин, и Енмысь ме полі.
Уна во нин ас вежөрөн му вылас ола.
И кор гортө, көть гежөда, век жө ме вола.
Пөрысь мамөлөн өні на образыс эм.
И пыр кокныдджык лолывлө таысьсө меным.
Гашкө, кулігөн менө на прөститас Ен.
Енмыд Ен на и эм, абу кутшөмкө Ленин.

КОР СЬӨЛӨМҮД ИЗМӨМА

Мен окота бөрдны,
Но син дорөй кос.
Кор колө тай синваыд,
Оз на пет, оз...
Му-мам весьтас сынөдыс
Гудыр и эм.
Көть тайө руд югөрсыйс
Бөрдзыны мем!
Кор сьөлөмыд измөма,
Нөштга на шог.
И сьывны ог вермы,
И бөрднысө ог.

ФЕВРАЛЬ

Абу бушковьяс,
Февральдыд сөмын.
Но и югдөм
Енэжыслөн рөмыс.
Да и тувсовланьö
Качысь шондi.
Öдйö-өдйö
Луныс содны пондö.
Пемдö сёр,
И водзджык нин со югдö.
Пашляк лыйсьöмысь
Да трачкөдчöмысь дугдö.
Шондi мелджка
Мыччывлö нин бансö.
Быттьö тшöктö
Садьмыны му-мамсö.
Мед кө толаясөн
Тырöма на йөрьяс.
Февраль төлысь
Төвлөн — медся бөрья.
Мед на турөбьясыс
Ывла вылас гартö.
Абу ылын
Тувсов төлысь — мартыс.

Челядьдырöй
Вөтө нин оз усылы.
Тэрыб бордъя томлунöй,
Тэ көн?
Парма шöрын,
Вөр керкаын узылн.
Көнн чужан мукöд
Йитан сөн?

Кызы во сайын
Чужийштчөмөн мунн,
Весьшөрö-ö вопис
Менам вын?
Чужанннтö он на тай
Сидз вунöд,
Сэтчö моза
Некытчö он сын.

И быд мунн
Сьөлөм вылын шог мем.
Сэсса карын
Майшася на дыр.
Вида ачымös,
Мый сиктыслы эг шогмы.
Но, а муслун
Сы дорö оз быр.

* * *

Ме шондїсьыс на водз
Век чечча.
А сэссия вадорö
Ме лэчча,
И мөдлапöлө
Дзорга дыр.
И лэбач дзольгөмөн
Нин тыр
Водз гожся асыв,
Муса ывла.
Ме сөмын сэки
Шудсö кывла.

* * *

Важөн гарьяс потісны,
Кыз пу лэдзис кор.
Дзоридз воссис вотöслөн,
Олөмыс оз ор.
Арыс воас төдлытөг,
Бара вуджам төв.
Олөм-вылөм пөтлытөм,
Вежсьö уна пөв.

* * *

* * *

Быд кулысь-муныськөд
Он өд кув.
Меддона морт мунас —
Енэж ув
Пыр сетас вынсö тэд,
И олан со.
Кöть сэсса сы кодыс
Оз нин ло.
И коляс вежöрад
Пыр ловъя морт.
И сöмын гежöда тай —
Гу да горт.

* * *

Эм-ö мөдар югыдыс,
Кыгчö вошö лов.
Гашкö, кайö енэжас,
Гашкö, оз жö ов?..

Кулём бöрад тöдмавны
Эм-ö позянлун?
Ов, мед йöзлөн паметысь
Дырджык тэ эн мун.

* * *

* * *

Талун луныс
Пуксьö шоныд.
Пöра гожöмлы
Нин воны.
Бөрья луньяс
Олö май.
Шондi,
Енэж шöрас кай!
Мудзим ставон
Кöдзыд төвсьыс.
Ыркыд тулыс,
Вай нин öвсьы!
Шонавлам көть
Недыр кежлö.
Төвся көм-пасьясöс
Вежлам.
Ситеч платтьö
Новлан кадыс —
Миян дженьыдик
Зэв радыс.
Вывтi öдйö,
Вывтi чожа
Кольö көч бөж кузя
Гожöм.

* * *

Мем талун лов вылын

Зэв шоньд.

Мем талун лов вылын

Зэв югьд.

Ок, эськө татшөмөн

Пыр лоны.

И юкны гажлун

Чужан мукөд.

* * *

Матысмө нин тулыс,

Тöлыс регьд кулас.

Варовмасны шорьяс,

Вежөдасны борьяс.

Олөмыс оз помась.

Майбырьяс, код томось!

Радейтöй да олöй,

Бур йөзыслы колöй.

* * *

* * *

Лөз югьд на
Сөмын төдчө.
А ме пелькөдча
Нин, вөчча.

Талун мамлөн
Чужан лун.
Гортысь некытчө
Ог мун.

Көтөм няньсө
Рачө тэча.
Чөскыд пирөг,
Шаньга вөча.

Ломта пач
И васө пырта.
Өшинь улысь
Лымсө зырта.

Сэсся-й мамө
Менө кыліс:
Мый нө
Татшөм водз пө, нылө?

Эз өд, мися,
Мамук, вун —
Талун тэныд
Чужан лун.

Мамө шуис
Мем та вылө:
— Быд лун кө тадз,
Муса нылөй!

Л. Д. Чувьуровалы

«Ен югыд ывлаой, ывлао...»
 Сьолөмсө кодыр друг кывла ме.
 Сьолөмөй бөрдзылас-нормылас,
 Енмөй, өд тайо нө кор вөлі?..

Быттьокө важөн и өні на.
 Мусаой-ныланой, көні нө?..
 Эм-ө нө модарас олөмыс.
 Ловьясным, гашкө, сэн колөны?

Сэні кө оз, тані колан тэ.
 Тэнад бур сьылангьяс олөны.
 «Ен югыд ывлаой, ывлаой...»
 Бара на асывнас кывлі ме...

МЕНАМ СЬЫЛАН

Кор сьолөмын тэ,
 Сэк ме ачымөс кыла,
 Кыдз тырвийо колана
 Му вылас морт.

Став лёклунөй ковтөм нин,
 Гос моз жө сьлө.
 И отсалан меным тэ,
 Кыдзи бур ёрт.

ТӨЛЫСА ВОЙ * * *

меласкылауу? У. А.

Гажтөм төлыса войыс,
Сьөлөм нюкыртө шог.
Лөзов югөрыс доя,
Чожа, асылөй, лок.

Менам сьөлөмөй доймө
Тайө югөрсые, ёрт.
Быгтьө инасьтөм ловьяс
Сэки корсьоны горт...

ТЭНАД ЧУЖАН ЛУНӨ

Тэнад чужан лунө
Туйё ковмис мөдны.
Сэтшөм удж да олөм —
Водзвывсө не төдны.

Сьөлөм нюкыртчылс,
Кор ми мунны сөлим.
И пыр ылыстчигөн
Гажтөмджык ме вөлі.

Быттьө кодкө мырдөн
Янсөдө, и ставыс.
Вывті гежөда нин
Адзысьсламөй таво.

Гашкө, сэсся дзыкөдз
Торйөдас на олөм?
Сыысь сөмын сьөлөм
Медся ёна полө.

* * *

Лэбёны медбёрья корьяс,
Пуксьёны лёня зэв борйё,
Эбёсныс бырёма. Вынтём
Корйёс нин пуж частё кынтё.

Көдзалё ваыс и муыс,
Вой тёлыс гожёмсё нуис,
Лунвылө тэрмөдліс-вөтліс.
Шоныдсьыс эг и ме пөтлы.

Кузь төвсё вуджа кө эськө,
Оз на ло олөмыс веськодь.
Муслунөй видзас на водзё,
Босьта на олөмысь водзёс.

Мед нө кө ыршасьё öні,
Нетшыштис шудёс, и көні
Дзебсясьё, ветлөдлө сійё,
Сьёлөмысь радлунсё виё...

Муслунтё пужйид оз кынты,
Сывдө и муслуныд лымтё.
Сійё өд, тёлын көть арын,
Ломзьё век өткодя яра.

* * *

Видза олан, чужан муӱй!
Муса войтыр, мый кӱть шӱӱй:
Некодлы эг кӱсйыв лӱксӱ.
Тӱдлӱ шуд и тӱдлӱ лӱксӱ.

Арся тӱла кӱдзыд лунӱ
Гортысь туйӱ пети-мунӱ.
Век на вӱтын сиктын ола,
Кӱть и гежӱда нин вола.

Ола-выла вӱльнӱй светас,
Сыланкывлы олӱм сета.
Муслун видза морӱс бердын,
Сӱмын сӱлӱмӱй век эрдын.

Кула, дзебӱй чужан ягӱ,
Пӱч-пӱль дорӱ, сӱмын накӱд.
Сӱлӱм инасяс на дӱнӱ,
Лолӱй кокньыджыка мынӱ,

Бордья качас парма весьтас.
Чужан муӱй мыжӱс вештас.

КӨДЗЫД ФЕВРАЛЬ

Январыс шоныд вөлі пыр.
Февраль жө көдзыдалө дыр.
Көть содө лун и чинө вой.
А шондї шоныд оз на кой.

А көдзыд дырйи-й мортыд джын.
Вир бытгьө сувтлө,
Ки-кок кын.
Зверь-пөтка кынмө —
Ловъя лов.
И налы көдзыдыд оз ков.

Март төлысь, тэрыбджыка лок.
Өд тулысылөн тэ нин вок.
Мен лэбачьясыс сэтшөм жаль.
Өд налөн абу пась ни шаль.

Жонь лэбигас со усис швач.
А метө бара ломтї пач.
И шоныд лоас чужан горт.
Ме көдзыдлы ог сетчы — морт.

ПÖРЫСЬЛУН

Оз тугъяв пельсь пывсян дорын,
И абу ни öти льöм тусь.
И öшинь улын абу зорöд,
А потшöс муртса нин оз усь.
Льöм-пельсь дзоридз тöлыс нуис,
И сийön вотöсыс эз ло.
И со нин едждöдöма муис.
А мамлы öкмысдасöд во.
Тадз ог и тöдлы, коля öтнам,
Мый водзö лоас, ог и тöд.
Лёк думьяс юрысь бара вöтла:
«А шогысла кöть сэсся пöд...»

МИЯН ДОЙ

Эжва юöй, мый нö тэкöд вöчим?
Мыйла татчö ЛПК-сö тэчим?
Коми анылön сулалис көн керка,
Экскаватор гудйöма му веркöс.

Мöска вöли, мыйта вöли ыжыс.
Öни сийö быгтьö ачыс мыжа.
Дзоргö витöд судтасянь ва вылö,
А ми сылысь дейсö огö кылöй.

* * *

Муыс-ваыс кынмис бара,
Еджыд эшкына нин му.
Эз дыр гөстит зарни арыс.
Йи куд улө пырис ю.

Лун пыр дженьмө, өдйө чинө.
Сы пуд нюжалө пыр вой.
Олөм быгтьө курыд вина:
Дольдмөдлас, бара дой.

ОЛӨМ ЧУЖТЫСЬЯСЛЫ

Гажтөм мужик юртөг керка.
Шудтөм өтка ань.
Пөтка шыд ни чөскыд чери.
Ёртыс сылөн кань.

Но, а зон кө өтка коляс,
Вошө олан сям.
Дзикөдз усьөмысьсө видзас,
Ловъя на кө, мам.

Ки пөла кодь сэки сийө.
Керка шуштөм, чөв.
Енмөн шулөма кө, дерт жө,
Колө сылы пөв.

Комияслөн весиг Енмыс
Вөвлөм Зарни Ань.
Олөм кутысь, милөсть сетысь,
Сьөлөма да шань.

Мед жө быд ань лоас зарни —
Олөм чужтысь морт.
Мусаяслы, верөсьяслы
Медся дона ёрт!

Радейта асывсö —
Ставыс на водзын.
Шондлысь югöрсö
Кута ме содзын.

Лун шөрнас надея
Сьөлöмын эм на.
Сідзкö и, шогсьыны
Быттьöкö нем на.

Лун кусіг сьөлöмöй
Надзöник нормö,
Öнитö луныслысь
Нинöм нин корны...

Вой шöрыс суас да,
Узьöм ни олöм.
Сьөлöмöй бöрдö,
И сьöктаммö лолöй.

* * *

Висьомъяслы некөн абу помыс,
Кучкө сийö пöрысьöс и томöс.
Посни челядьöс на смертьыс босьтö,
Рай öдзöс пö быттö налы восьса.
Сулалö-ö та пондатö чужны?
Öта-мöдöс видзны эськö кужны.
Дзоньвидзасö тойлалам на адас.
Милöстътöм тай миян олан кадыс.

МАЙШАСЬÖМ

Кытчö нö нин миян кежсис?
Нинöм бурланьö оз вежсьы.
Наян наянджыка олö,
Колысьыслы унджык колö.

Озырыслөн пыр на содö.
Юысь ветлö век на кодөн.
Кыв оз лысьт на шуны полысь.
Тырмö корысь, гöля олысь.

Эг и тöдлöй, дьöбö колим,
А öд бур олём пыр долим.

* * *

Югдытöдыс
Зэв на ылын.
Но ог нюжмась
Вольпась вылын.
Оз тай узьсы,
Кöть и водз на.
Кöдзыд ваён
Мысся соднам.

Сэсся пукся
Пызан сайö.
Асывводзнас
Кывбур вая.

Югдытöдз на
Чужö сийö —
Менам нылöй,
Менам пиий.

СЬӨЛӨМ БЕРДӨДЗ СТАВЫС ИНМӨ

Пач ломзёдны эм на сартас.
Меным еджыд кыддзыс жаль.
Кыз нө черөн-пуртөн варта?
Сылөн доймас өд быд чаль.

И ог өкты катшасингъяс.
Нетшкөм дзоридз мен оз ков.
Сьөлөм бердөдз ставыс инмө.
Мен и быдмөг — ловъя лов.

Енмөн сетөм олөм олас
Мед быд пу и турун сі.
Вөрө, видз вылө кор вола,
Некор некодос ог ви.

КОТӨРТӨ НЫВКА — МАРТ ТӨЛЫСЬ

Котөртө

Школасянь нывка

Векньыдик

Южмөм туй вывті.

Тувсовлань

Бергөдчөм шонді

Югыд зэв,

Сьөлөмтө шонтө.

Томлуныд,

Майбыр тай, бордья.

Со менө,

Пөрысьёс, ордийс.

Сингьясас

Енэжыс ворсө.

Окалө шонді

Вом дорсө.

Водзын на

Ставыс өд сылөн:

Муслунсө

Сьөлөмнас кылөм.

Ныв олөм,

Ки кутөм, көлысь.

Котөртө нывка —

Март төлысь.

ПОМАСЯС-Ө ОЛӨМЫС МУ ВЫЛАС?

Помасяс-ө олөмыс
Му вылас?
Өні тшөкыда зэв
Юасьөмъяс кылан.
Помасьныгө,
Помасьө тай сийө.
Быд лун смертыс
Уна олөм виө.
Но быд муныськөд
Оз тупкысь вольной светыс.
И быд асыв
Век на шонди петө.
Но мед лёк пө
Чергыяс да бырас,
Енвевтувса муыс
Ваён тырас.
Либө сотчас муыс,
Ловья лолыс.
Тайө быгтьөкө пө
Бытьөн колө.
И кор бырас пежыс,
Лоас сөстөм.
Енмыс мулы
Выль олөм би өзтас.
Гашкө-й, сідзи колө,
Мед ми бырим?..
Грекө вөйим,
Став лёкнас ми тырим.

Но, а чужом кага
Мыйон мыжа?
Лоас места сылы
Ковчег пыжас?
Мыйон мыжа
Вөр-ва, кывтом пемос?
Енлон милостыс
Коть налы эм-ө?
Мен жө сөмын
Отитор и колө —
Му вылас мед некор
Эз ор Олом!

* * *

Сылас лым.
И петас вижьюр дзоридз.
Тулас юным
Модлапов яг дорөдз.
Сэсса турун
Видзьяс вылын воас.
Еджыд яла ягас
Тшакыс лоас.
Гөгөр ставыс
Сэтшөм муса, дона.
Оломсө ме
радейта зэв ёна.

* * *

Вильыш нывка,
Гежöd юрси.
Мырпом корсылі
Косьтöм нюрсыс.
Тшакла ветлі
Сотчöм ягö.
Öнi на ме
Быттьö кага.
Лэбач пуксяс
Öшинь дорö.
Чайтсьö меным,
Лэбны корö.
А ме, майбыр,
Йöйыд, дась нин.
Кöть тэ сэсса
Сэтчö пасьмун.
Витöd дас нин
Тырта öнi.
Вежөрöй нö
Менам кöнi?
Оз и кöвьясь
Меным мывкыд.
Пöрысьми,
Век вильыш нывка.

ТӨВЛАНЬӨ

1

Муыс кын,
А лымйыс зэв на этша.
Вой төв лэчыд,
Ывла көдзыд сэтшөм.

Восьса ю,
И сөмын берег дорыс
Йинас бытгыö
Öтар-мөдар дорөм.

Пасьтөм расьяс
Синьястө оз долөд.
Медся гажтөм пөра локтис волөн.

2

Зэра арыд кор
Кыссяс кузя.
Радлан асывнас,
Лым кор усьö.
Восьтан долыда
Кильчö öдзöс.
Ныртö чепöльтас
Төвся көдзыд.
Ломтөм пачьясянь
Тшыныс кайö.
Ловлөн кыпалөм
Меным тайö.

Кынмис му,
И лэбалö нин лым.

Ылö коли
Гожся чард да гым.

Пужъявліс,
И тшакыд оз нин пет.

Арся шонді
Жартö оз жö сет.

Шондöдлас кө,
Лоö сöмын няйт.

Киссис кызлөн кор,—
Кöть эз на чайт.

Пелысь розйыс сöмын
Гöрд, ок яр!
Воис Коми пармаö
Октябрь.

ПРАЗДНИКӨН, БУР ВОЙТЫР!

Асья кыа бөрся югыд шондi петö,
Майбырöй дай тулысöй, мыйта радлун сетан!
Шондi петан кадö, сьөлöмыд и лолыд
Кыпалö да качö, быттьö райö волö.
Окота сэк сывны, шогыс быттьö абу.
Ставыс миян олöмын тыр-бура да лада.
Бур йöзыслы окота ыджыд аттьö шуны.
Босьтны ассьыд мусатö, кияс вылад нуны.
Кагаяслы, челядылы радлыны да ворсны,
Мича югыд томлунлы ассьыс пöвсö корсьны.
Верстьöлы и пöрысьлы дзоньвидзалун сиа,
Медым быдөн вöлины зиль да шуда киа.
Медым быдөн пуктисны öта-мöдсö пыдди,
Уна-уна бурсö на сьөлöмсянь ме лыдди.
Югыд тувсов лунъясас шуд мед ставлы сюрö,
Мойдын моз жö олöмыс помасяс мед бурөн!

Ю ВЫЛЫН

Тайö юсö вартчывлі ме

Челядь дырйи.

Öдздöчмөн котöртмөн

Кайлі кырийöд.

Васö вуджлі бедьторйөн

Ме ветки пыжөн.

Тэрыб вöлі, вына вöлі,

Эг вöv ныжөн.

Со тай öні, төла лунö

Пыжös нуö.

Быгтьö ёна паськалöма

Висер юйи.

Ас горт весьтö эг и во ме,

Кыз кöть сини.

Юсьтурунö лякис сэссия,

Öдва мыни.

Бедь пыддиыс пелыс кыын

Кырийöд кайны.

Ок и сьöкыд мöдлапöлысь

Вит тшак вайны.

ПОЭТЛЫ ПАМЯТНИК

1

Август төлысь — менам муса кад.
Ар да гожом костын йитан пос.
Би гөрд розьяса лөнь пельсь сад,
Ывла эз на нильзы, муяс кос.
Юргө парма весьтын асья гимн.
Варышпиян вынсьөдісны борд.
Талун казьятам Савинлысь ми ним.
Памятникон сувтіс гижысь морт.

2

Со быттё сійо век на туйысь локтё,
Мед төдмавны, код сылы лэчсё октіс,
Мед юавны — да, кутшөм нё пё мыжысь?..
Ме Совет властылөн вөлі медьяр гижысь.
Ме эг мөй медся ёна сылы эскы.
Бур көсйөмөн ме сёлөмөс пыр песті.
Да, Сюзь Матвей моз төдлі райсё, адсё.
И сьодас воштылі ме сідз нин дженьыд кадсё...

3

А гашкё, вузалысьыс ачыс лэчкас шедіс,
И мынтөдчыны эз сюр сылы вын.
И йөз моз овны вөля вылас медым,
Мөд ногөн сійо некыдзи эз мын?..

Куратов югдём виччысис кӧ, Савин,
 Кыдз дзоридз косьмис шондӧ петӧм мысьт.
 И Тима Веньлӧн коньӧр Трипан Васьыс
 Нянь кӧдзны явӧ весигтӧ эз лысьт.
 Кыдз быгтьӧ ӧнӧ бура нин ми олам,
 А тшӧкыдакодь юасям на со:
 И кытчӧ мунам? Кодлыкӧ-ӧ колам?
 И кутшӧм олӧм тэчам воысь-во?
 А олӧм ӧнӧ бара пурта-чера.
 То кыптӧ путч, то вунлӧм нин холера.
 И мортлӧн олӧм грӧш дон нин оз сулав.
 И уна том йӧз лунысь-лун пыр кулӧ.
 Но эз на косьмы ваыс Эжва юын.
 И эмӧсь на поэтыяс чужан муын.
 И сиктса войтыр локтӧма со уна,
 Поэтлы памятниксӧ восьтан лунӧ.
 А сыланкывьясыд кӧ ловьяӧсь, то тайӧ
 Кулӧм бӧрад — медся югыд райыс.

МИЯН КЕРКА АБУ ТАСА

Шонді аслас зарни шыён
Парма весьтё югыд кыё.
Керка өшиньясын ворсё,
Колип содтё сьылан горсё.

Мед нё колипыд и көкыд
Эз тёд пармааным сьёкыд.
Пыстаыд и төвйысь жоньыд
Кыліс өтмоз шуд и шоньыд.

Коми муным уна кыла:
Сідзкө-й, тани уна сьылан,
Медым юргё өти хорын
Луза, Сыктыв, Эжва дорын.

Коми му весьтаным шонді
Долыджыка ворсны пондас,
Весиг бокысь воём морт кө
Адзас татысь чужан гортсё.

Но и коми кыв эз вош мед,
Лёкысь некоді эз вожмөд.
Коми войтырыслы парма
Мед эз таляссы да нярмы.

Мый нё юкны вöрсö-васö.
Миян керка абу таса.
Коми муё, сьөлөмшөрö,
Бур мывкыдөн быдөн төрö.

* * *

Февраль нин
Öшинь улö пырö.
И бара
Толаясөн тырö
И юкмös дор,
И пывсян пельös.
Дзор тошка
Сикт кузяла келö.
А сэсся
Туйяс вылö петö
И водзö лымсö
Пыркйö-летö.
Öд ылынокдь на
Тувсов мартöдз.
И турöбьяссö
Гартö-гартö...

Ывла лунысь луно

Югдö.

Овны көсйöмсö

Он дугöд.

Овлö сьöкыд —

Эбöс чинö.

Век жö

Бурджыкыс тай инö:

Абу öтнам,

Ёргьяс эмöсь.

Сидзкö, шогсьынысö

Немысь.

ВОО ПЫРИГОН

1

Кольо во, и кольо сийо бөрө;
Но а менам бурдтом съолөм дой
Век на вуджө выль во вылө, төрө...
Радлуныс да шудыс оз на кой.
Син оз ёр на олөмыслөн баныс,
Югдывлас и сөмын өти сугш.
Съолөм бурмөддывлө сөмын тани
Дона йөз и сьылан-гиган удж.
Олөм дорас ме өд эг на кодзав,
Көть и усылө сьолөмөй и лов.
Менам ёргьяс, веськыдөсь да сөдзөсь,
Тикөд орччөн эськө ов да ов!
Но а кодлөнкө нин синмыс сырмө,
Видзөдласыс букыш да зэв лөг.
Мен и сыгөг шогыс-дойыс тырмө,
Бара кылала ме ю шөрөд, кызд лөп.
Он и төдлы, вабергачас нуас,
Кыскас йирас, кыгысь он нин пет.
Ёртөй синмө веськыд кывсө шуас,
Меным Енмыс вошнысө оз сет.

2

Югдө. Лымгьялө.
Шы ни төв.
Весиг кар вылын
Век на чөв.
Кыгчө велалан,
Сэн и горт.

Чужи сиктын,
А карса морт.
Тані ёртгясой,
Тані удж.
Модлапöлас ме
Ог нин вудж.

3

Кор ме воа чужан керка дорö,
Öшинь улын оз нин сулав зорöd.
Потшöсьясным муртса нин оз пöрны,
Эндöма и векняммöма йöрным.
Мöска вöли мамö, мыйта ыжыс...
Öни быттьö сийö ачыс мыжа.
Дивитана видзödö ме вылö,
Мамö, тәнсьыд дойтö ме öд кыла!

4

Дона меным вöльнöй светыс,
Мамöй, кодi олөм сетiс.
Майбырöй дай олөмöй!
Му выв гажыс меным муса.
Воас кад, и коркö куса.
Уна вöчны колö на:
Сывны шань бур коми кывйөн,
Чужан муын, парма сывйын,
Ме öд ловъя, ола на.
Кодкö, гашкö, менö кылас?
Мед жö эськö бур му вылас
Эз ло прöста волöма.

* * *

Бара со сьолөмөс
Дойдисны друг.
Мыйла нө олөмас
Мем өти — дзуг.

Ме өмөй йөзыслы
Вөчлывлі лөк,
Эг өмөй шог дырйи
Отсөгөн лок!

Кьдзи нө тадзитө
Дзикөдз он пөд.
Мый меным вөчнысө,
Ачым ог төд.

ШОЙНАЯГЫН * * *

Менам өттшөтшгьяяс, ёртгьяс
Кыз му улынось нин важөн.
Водома коть эськө гортйө,
Да од сәні абу гажа.

Сәні абу враг ни, ёрт ни.
Некодкөд сән он и венззы,
Ёртасьны ни, пинясьны ни...
Эн на лолөс босьтөй менсьым!

Некод өчередь оз сулав,
Водзвыв кабала оз корны.
Чина, чинтөм — сідз жө кулан.
Нинөм олөмсө и ёрны.

Югыд шөнді чужан муө
Өні частөджык нин дзоргө.
— Майбыр, олөм! — бара шуа.—
Олөй! Кулам ставным коркө.

МЕДБӨРҖЯ КОЗИН

Асыввывсянь рөмыд качө,
Рыгтя кыа кусө ачыс.
Енэж кодзувьясөн вөччө.
Тöлысь пастук моза вөтчө.

Эз на помась рыгтя сёрни,
Мед көть кадыс бура сёр нин.
Сьөлөм вылын лөнъ да шоньд.
Сэтшөм колана и дона.

Тайö рыгыс. Абу өтнам.
Гашкө, аддза тэнö вөтнам.
Ог, ог вөтнам, тайö збыльысь.
Чужи-ловзи быгтгö выльысь.

Олөм аслас туйөд мунö,
Коляс кад, и дойöй вунö.
Менам тэ — медбөрья козин,
Сідзкө, водзö овны позьö.

МАМӨЛЫ ДА ЧОЙЛЫ

Войков кежлө волас чой
Няйт, сьод лымья дука карас.
Гажтөмысла оз и сөй:
Кыдз пө тані олад бара?..

Эз кө эськө вөв пө быть,
Петі өмөй, туйө мөді?
Пакталө тан лов и выть,
Час-мөд ветлөдла и пөда.

А ме ола тан кызь во,
Енма-муа костас ола.
Карса мортөн эг и ло.
Сиктө гөстя пыдди вола.

Тан ог ков, ни сэн ог ков.
Шуасны жө: «Ыджыд сяма...»
Абу жаль, көть петас лов,
Мудзи олөмсьыс ме, мамө...

Өшинь сайын кусө лун.
Регыд пуксяс войся пемыд.
Мамө, олышт на, эн мун,
Мед кө помасьө нин нэмыд.

Сэтчө некор абу сөр.
Сэсь жө некод на эз волы.
Дыр-ө ачым ме ог ор?..
Ме өд сөмын тэныд кола.

Таво менам — «понлөн» во.
Сөмын некодос эг пурлы.
Но и домйывса эг ло.
Вөля вылас быдтор сюрлі.

Чужьясны, да нювлі бок.
Дойсө сьолөм бердын видзи.
Йөзө корысьөн эг лок.
Гусьөн чашнитны эг видзөд.

Гашкө, этша сеті бур?..
Уна лектор аслым вөчи.
Шоньд сійөн и эз сюр.
Унджыкысьсө вөлі кодзид.

Шыбөлясае усьлі кор,
Йөзлысь кыпөдөм эг виччысь.
Вөвсө ышмөмысь эг ёр.
Сідзи тырмис ёрчысь-видчысь.

Пыр на кызкө видзліс Ен.
Өні чойой вөсна пола.
Медводз эськө мунны мен,
А ме вужьясьөма, ола.

Тан ог ков, ни сэн ог ков.
Скөрмывла и лола рамөн.
Кыз нө му вылас он ов,
Гортын виччысьө кө мамө.

АРСЯ РЫТӨ НАЖУР МУ ВЕЛДЫН

Сиктад майогыс пеля,
Катша новлөдлө сёрни.
Весиг төдөны челядь,
Көть и вөлі зэв сёр нин.

Шы ни төв вөлі сиктас,
Эз нин өзйыны бияс.
Лөня өдзөс ми сипгим,
Кутін пемыдас киос...

И оз вун менам тайө
Арся рыг, пемыд войыс.
Бара шуд потшөс сайын.
Ставнас олөмөй доя.

Востыдэ станыгэдэ.

Майлар ни, кужыт.

Мытэ юмнэ катомэ

Эна ин чунна.

Ас чунна му востыт

Көтэди ок лөддэдыт.

Чунна нэвэ мөжыдыт

Нэвэди ок лөддэдыт!

КУРЫД ШМОНЬ

Льомгью пывсян дорын
Пукалі ме дыр.
Думөн тэнё кори,
Рөмдытөдз эг пыр.

Бара войыс пемыд,
Бара войыс кузь.
Ог өд ков ме тэныд,
Дозмөрлы кызд сюзь.

* * *

Дивитанныд менё,—
Ёна тай ме пола!
Швачкөбтөй көть стенё,
Кувтөдз век на ола.

Таляланныд няйтё,
Ёль ванас ме мысся.
Вөрө воша, чайтад,
Шонділань на кысся.

Көть ті йирас суйой,
Төвйылөм нин чукчи.
Кок ув вольөс туйё
Ачымөс ог пукты.

ЧАДӨ ВОИМ

Бур сёрниысь,
Мелі кывйысь
Шаньмө сьолөм выв.
Өні сійөс,
Пель көть чошкөд,
Некыгысь он кыв.

Абу лада
Мортлөн олөм,
Донсялө кор нянь.
Со и өні
Сөт да матьтө
Кырсьыштө тшөтш ань.

Корсим вöрысь
Петан туйсө,
Ордымыс эз сюр.
Тшынысь пышйим,
Чадө воим,
Кольмис уна юр.

Мортлөн олөм
Медся донтөм,
Шойнаягыс тыр.
Чужысьяслөн
Чинө лыдыс,
Оз-ө йöзыс быр?..

* * *

Экма да окма!
Сыныштны кө, лопнас.
Войны кө нин, юё,
А не силос гуё.

Шуны кө нин, шуны.
Пуны кө нин, пуны.
Сотчыны кө, биын,
Кутны кө нин, кийн.

Сьольштны кө, синмас
Лёк мортлы, мед инмас.
Нетшыштны кө, вужнас.
Ме помысь! Ог куж на...

ЛЁК ВО * * *

«Битөг сотін, корысьö воштін»

(Йöз кост сёрниысь)

1

Кассяна выль воис
Висьлöс морт кодь воис.
Небыд нямöд кодьöн
Таво тöлыс лоис.

Март на сöмын воö,
Йинёньяс нин кузьöсь.
Кötöm шома нянь моз
Лымйыс быттьö шузьö.

Тулысöдзыс сэсся
Прамöй тöv эз волы.
Сэтшöм гажа тöлыс,
Кыштивлö кор лолыд.

2

Нюжаліс зэв кузя,
Кöдзыдаліс тулыс.
Чужтыны бур пуктас
Сьökыд вöлі мулы.

Тувсов зэрыс киссис
Кöдзыд шляча сорөн.
Войвыв муяс гөрны,
Кöдзны сетіс сёрөн.

Гожöм этша лун жö
Вöлі гажа, шоныд.
Кысь нö сэсся верман
Кисьмыны да воны?!

Сөмын баба гожом
 Воліс жар да мича.
 Но и сійо менсьым
 Сьолөмөс эз личод.

Быттьө вөрө воши
 Вотчигөн ме өтнам.
 Öтгудыра лои
 Вемөсын и вөтын.

4

Енэжыс молясис,
 Кымөрөн эжсис.
 Нывбаба гожомыс
 Сьод арөн вежсис.

Öтава вижөдіс,
 Ойдісны юяс.
 Нильзисны-вазисны
 Борьяс и муяс.

Мыйсяма поводдя
 Кассяна волөн!
 Восөдмөн шогөдө
 Ывла и олөм.

5

Быттьө вирөй сувтөм,
 Сьолөмөй оз уджав...
 Еджыд яла ягө
 Некод нин оз вуджав.

Ойдөм берег дорын
Дом йылынось пыжъяс.
Мыйла таво олөм
Торйөн пиня-гыжъя?..

Водзсасьнысö сыкөд
Некыдзи ог вермы.
Пужйөдз, лымйөдзыс мөй
Оз и дугды зэрны?..

6

Сэсся кынтас
Еджыд пужйөн.
Локтысь лымйыс
Арөс чужъяс.

Кыккокийлөн
Воас төлыс.
Сылөн, майбыр,
Тэрыб вөлыс.

Кутны сийөс
Мортыд вынтөм.
Көсъяс, водз воас
Да кынтас.

Лёк во
Помасьлас-ө коркө?
Гашкө, сийө
Ставсө торкө?..

МОРТТӨ ДУМЫД СЕЙӨ

Морттө думыд сейө —
Жебмө, висьмө сьолөм.
Торйөн арся войө
Сийө сьökыд вөлөм.

Асья югдандорөдз
Син оз куньсы менам.
Өти дум со орө,
Мөд нин бара венө.

Бөрын вояс, вояс,
Кызыс сьөд да гажтөм.
Унджыкыс тай доя,
Гашкө, сийөн ашті.

Өддзөдчөмөн, скачөн
Вояс кузя рөдті.
Ставсө ачым, ачым
Соті, вии, пөдті.

И со арся войө
Вежласьоны думьяс.
Тырөмаось дойөн
Вошөм, кольөм луньяс...

СЬӨЛӨМ БАРА ВӨРЗИС

Радейтлі ме сійөс,
Сөмын сьөн олі.
Сьөлөм бара вөрзис
Чужаніө воліг.

Важкодъ том да мича
Паныдасис ягын.
Думыштны эг куж ме —
Тайө сылөн кага.

Тан жө кызь во сайын
Батьыскөд ми вотчим.
Ягыс вөлі гажа,
Эз на вөв сэк «Сотчөм».

Сылөн шуштөм пасыс
Менам олөм сяма.
Эг ло муса мортлөн,
Эг ло талы мамөн.

Нетшыштчи да карө
Муні, ставсө вошти.
Вөлөй менам бөжтөм,
Дөдбөй менам вөжтөм.

КЫТ ЧУЖӨ СЫЛАНКЫВ

Он кө көтөд коктө,
Он и чуньышт, нюлышт.
Черид өд косінын
Оз ов.
Келавны тай ковмас,
Копыртчывны юлы.
Чери кыйөм моза
Корсьө мыйкө лов.
Вөрөд-ягөд ветла
Чужанінын, гортын.
Ставыс тані төдса,
Быдтор шань да бур.
Торья долыд меным —
Орччөн төдса войтыр.
Кыз нө накөд сэсса
Сыланкыв оз сюр!

Рыт көть югдандорыс,
Лун шөрын и войын
Бара сійө чужө,
Сетө меным вын.
Петө-ловзьө сійө
Радлунөн и дойөн.
Сытөг эськө важөн
Вөлі нин ме кын.

РАКА

Пуктысигөн рака горзö:
«Карö! Карö!»
А кор воас муяс вылö
Зарни арыс,
Урожайсö идралігөн,
Вундöм бöрын,
Сійö горзö зорöд вылын:
«Шöри! Шöри!»

* * *

Нетшыштсьöма вужйöс
Чужан сиктысь.
Мед көть сійö
Öдзöсьяс оз сипты.
Öнi татчö
Гöстя пыдди вола.
Недыр сöмын
Шойчигмоза ола.
Сэсся бөр ме лэчча
Буса карö.
Сьöd лымъя төв вуджа
Сэни бара.
И выль воодзыс кө
Дзурта-ола,
Гожöм-арсö, дерт на,
Гортö вола.

КЫТЧӨ МУНАМ?

От төд, бурланьö ли, лёкланьö ми мунам?
Сöрысь-сёрнитысьыс лоис вывтi уна.
Сиджö уна лои денъга чöжысь-вöчысь.
Сöмын эз тай сод на мыресьысь, гöрысь-кöдзысь.
Велалiм тай дыр кад чöжнад овны дасьнас,
Некод удж вылö оз ырыштчы, оз пасьмун.
Öтувъя пö муыс-ваыс — ставыс миян.
Ми жö ставөн Сöвет мулөн нывъяс, пиян.
Со и дыркод нёнясимöй öти нёньысь:
Му-мамнымлысь морöс косьтiм помся помысь.
Юр весьтаным сынöдыс нин весиг письтi.
Асьным сёйим, асьным юим, ставсö кисьтiм.
Код вылö нö элясям ми, войтыр, öни?
Юрсяныс пö чери сiсьмö, шулывлöны.

КОМИ МУЫН ГОЖӖМ

Помасьӧ июнь —

Лӧдза-номъя тӧлысь.

Шоньд гыма-зэра

Пыр на сійӧ вӧлі.

И со потшӧс дорын

Июль тӧлысь — сора.

Регьд косаясӧн

Видзьяс вылӧ корас.

Медым миян Сюрук

Вобьд вердіс йӧвнас.

Ковмас уна турун

Сылы вердны тӧвнас.

Саридз дорӧ мунны

Сьӧмтӧ, дерт, он чуктӧд.

Ёль дор видзьяс вылын

Турун запта-пукта.

Пажнайтігӧн ёляс

Ыркӧдчыны водла.

Вежалас мед сійӧ,

Саридз дорын коді.

Вуграсьны на слӧйма —

Шедас зарни чери.

Кисьмас вотӧс — вотча.

Унатор на кера.

Чужан Коми муын —
Видз вылын и вöрын,
Ставыс сэтшöм муса,
Мича, чöскыд көра.

Катшасинма видзьяс
Купальнича сорөн.
Льöм пуяс да кызьяс
Чукльöдлысь ёль дорын.

Кöч бöж кузьта гожöм
Он и тöдлы коляс.
Но оз вун нин некор
Синва кодь сöдз ёлыс.

ЧУКЫЛЬ-МУКЫЛЬ УНА ТӨДӨ

Ытшкөм видз

Да кывтысь юыс

Сёрнитöны

Татшөм нога:

«Чукыль-мукыль,

Кытчö ветлин?»

«Шырөм-бритөм,

Мый тэн мogyс?»

«Уна сикт да

Карьяс дорті

Чукльөдлөмөн өд

Тэ кывтан.

Парма бокөд,

Дяс костті,

Ойдлөм ольяс

Морөс вывті.

Майбыр, тэныд

Туйыс восьса.

Он и сувтлы,

Век тэ мунан.

Уна адзылан

И кывлан.

Тэ өд төдан

Меысь уна.

Ме моз, юйй,

Нәмьяс кежлө

Öти местаö
Эн сибды.
Висьталышт вай,
Кызд нин олөм
Мунö карьясын
Да сиктын».

«Кызд и вөвлі
Нэмъяс чөжөн —
Зильлөн сиктын
Ставыс эм на.
Кыптö керка,
Кыптö карта.
Ачыс вөчө,
Оз кор Енлысь.

Дышлөн тшыгла
Гачыс усьö.
Пескыс абу,
Вевтыс розя.
Видзыд-муыд
Öнi тырмö.
Дзоньвидза кө,
Овны позьö.

Кодлөн эскöмыс
Нин абу,
Ачыс асьсö
Суйö гуö.
Некодкөд кө
Юкны шөгсö,
Мöдар югыдас
И нуö.

Кодкө
Гусясьомөн олө.
Гажа юрөн
Мөдөс виө.
Өні мортлөн
Мортыд вылө
Кокныда зэв
Лыбө кыис.

Татшөм сяма
Олөм-вылөм
Вөтасьны ми
Эгө кужлөй.
Мыйта мортөс
Пеж винаыс
Шойнаягө
Томөн чужйө.

Ыджыд гусясьыс
Жө некор
Абу мыжа,
Важ моз чина.
Сы пуд кодкө
Пасьтөм, көмтөм,
Бөрья грөш вылас
На вина...

Курас-карас
Вылас босьтас,
Ловсө кыпөдлантор
Ньобас.
Юыштглас да
Сөмын сэки
Вунөдлас, мый
Колис дьөбө».

Битшкөм видзлы

Кывтысь юыс

Висьтасис со

Татшөм нога.

Чукыль-мукыль

Уна төдө.

Шырөм-бритөм

Кывзö шога.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

Миним чалам дэрим

Лакшым кысыле сирө.

ЭГ И ТӨДЛЫ...

Содө лун и чинө войыс,
Но оз мун на татысь төв.
Лым на енэжсяньыс койö.
Турөб, быттьö ышмөм вөв.

Лымсö өдөбтөмөн гартö.
Таысь луныс быттьö руд.
Но, а тувсов төлысь мартыс
Өддзöма кө, оз жö дуд.

Тайö төв да тулыс костас
Мыйкө гөгөрвотөм эм.
Олөм сетас Енмыс? Босьтас?..
Турөб пыр оз тыдав нем.

2

Өтка өшиньöй
Гортлань дзоргö.
Сэни шудаөн вөвлі
Ме коркö.

И со нэм джын нин
Ола му вылас.
Өти муслун пыр
Сьөлөмысь кыла.

Чужан горт дорад
Оз сійö чусмы.

Сылы ачымкөд
Сөмын и кусны.

Кымын радейтөм
Олөмын төдлі.
Куслі өтилы,
Вуджльвліс мөдлы.

Кольліс кад,
И ме көдзавлі бара.
Но эг вунөдлы
Гортөс ме карас.

3

Томсянь дөва олөм
Вичмывлөма пөчлы.
Педөр Митька пөльлысь
Коді керка вөчліс?

Менам челядь дырйи
Дзикөдз киссис сійө.
Выльмөдны важ керка
Эз нин өшйы киө.

Өні на син водзын
Кильчө вывтөм өдзөс.
Лун бок өшинь муын.
Ен ув пельөс «көчөсь».

Пөлать, паччөр сэрөг
Төвнас муса сэтшөм.
Но, а зэран кадө
Төждыс абу этна.

Джодж пасьтала тѣнкѡ,
Тазйѡ ѡкта васѡ.
Ывлаыскѡд керка
Олѡ ѡтсѡгласѡн.

Кѡмтѡг пета йѡрѡ.
Ог тѡд, мыйысь долыд.
Вижьюр дзоридзясыс
Кыпѡдѡны лолѡс.

И ме сѣтшѡм шуда,
Ворсысь каньпи быгтѡ.
А мый вевтным розя,
Ог и пукты пыдди.

Ой, тѣ челядьдырѡй,
Асья качысь шондѡ.
Бурас эскѡмгьясѡс
Нинѡм на оз конды.

4

Карланьѡ сетчѡмыс
Модаѡ пырис.
Воысь-во сиктъясысь
Том йѡзыс бырис.

Унджыкыс мунлісны
Сьѡд удж жѡ нырны.
Кольѡны гортъяссѡ,
Мунѡны пыр на.

Мыйсяма олѡм нѡ
Олам ми бара?..

Чужам шань сиктъясын,
Кулам няйт карын.

Веськалі визулас,
Томлуныд бордя.
И карса олөмыс
Менө эз орды.

Мыйта ме, кедзвтом,
Дойяссө кылі!
Унаысь синва сор
Кывбурьяс сьылі.

Кокныда, — шуасны, —
Карын пө олө.
Сиктө тай долыдөн,
Шудаён волө.

Мый сьөлөм вылад,
Оз быдөн өд төдны.
Шуда ме, сиктө кор
Лөсьөдча мөдны.

Чойлөн бур мывкыдыс,
Майбыр на, тырмө.
Воан кузь туйысь
И эм кытчө пырны.

Корөсьөн пывся да,
Кокнявлө лолөй.
Эм чужан гортыд,
Сэн мамыд кө олө.

Нелямын во нин
 Абу пöчöй.
 А шулис: некор пö ог кув.
 И пиян бырисны,
 Мый вöчан?
 И ми на колям енэж ув.

Ой, сьöкыд, сьöкыд
 Сьöлөм вылын.
 Ас бöрся некодос ог коль.
 Но, кöнкö,
 Парма чуркьяс, ылын
 Öд чужö нимтöм ичöt ёль.

И зэра шорьяс
 Öктиг нуö,
 Мед чукыль-мукыль олан визь.
 И век жö петö
 Нима юö.
 И сыысь юр сылөн оз вись.

Мый коркö дзикöдз
 Косьмас-бырас.
 А кöнкö чужас ёль дзик мöд.
 И сідз жö
 Олөм рунас тырас.
 И асьыс пом воом оз тöд...

Эт тöдлы,
 Югдылис-ö луныс.
 Тадз олөм исковтас и пом.
 И радлуныс,
 И шогыс мунас.
 И тыртöм коляс менам чом.

ОЛӨМ ВЕК ПОМ НИ ДОР

(поэма)

I

Кык джуджыд керка костөд
Ылын лөзалысь вөр
Сөмын тыдыштө.
Шонді мыччыслө регыдик кежлө,
Кызди чери тай
Ю вылын гыбышглө.

А машинаяс өтарө-мөдарө
Жургөны, тюрөны,
Мунөны.
Көть и нель часыд лун,
Өні шондыс
Вөр саяс сунө нин.

Тайө арся луныс кодь
Миян олөм-вылөм.
Нинөмө на эскыны,
Медводдза лым сылө.

Вөсни йиті вуджигөн
Вөйөмысь на полан.
Тайө гудыр олөмас
Кодлы и тэ колан?

Вөв вөтлысылөн вөжжиыс
Кисыс важөн мынөм.
Сувтлыштөм ни шойччыштөм,
Лэбзьө вөлыс вынөн.

Тадзтө вермас пыртны өд
Зыбуч нюра вожас.

Сыланьё Россияным
Лэбзьё өд зэв чожа.

Сөмын чужё майшасьём,
Мый и лоас водзё?..
Миян чужан му весьтё
Өзьяс кутшөм кодзув?

Чужис кө морт,
Сийё овны өд чужис,
И мыйла мам морөссьыс
Нетшыштны бөр.
Олөмсё босьтны
И кад сылысь кужё,
А олігад кодкё
Орччөн оз төр.

И пукалам ми
Порок бөчкаяс вылын,
Со, вынийёра бомбаяс
Чөжёма дась.
А вермас өд воны
И кад, абу ылын,
Кор Му шарыс
Торпыриг лэбзяс пусь-пась...

Он вермы сэк курыштны,
Йитлыны сийёс.
Оз отсав сэк йёзыслы
Некутшөм Ен.
Став ловъясё Морт сөмын
Му вывсьыс виас.
И сийё жё кадыслысь
Кузьмөдас нэм.

«Чукыль-мукыль,
 Кытчö ветлін?»
 «Шырём-бритём,
 Мый тэн мogyс?» —
 Татшöм нöдкыв
 Мамö сетліс
 Меным, тöдмала-ö,
 Og-ö?

Ытшкөм видз
 Да кывтысь ю пö
 Сёрнитöны
 Арьядорсö.
 Чукыль-мукыль
 Уна тöдö:
 Сикгыяс, каргыяс,
 Саридз дорсö.

Висер ю моз
 Увлань кывті.
 Уна адззылі
 И тöдлі.
 Уна мунліс
 Сьölöм вывті.
 Чужанінös,
 Кыгысь мөдлі,

Вежны кар вылö
 Эг вермы.
 Сійö меным
 Медся муса.
 Сытöг нёрпала
 И нэрма.

Сытөг чусала
И куса.

Асылыс пемыд,
Асылыс көдзыд.
Школаё мунны
Чеччөдө пöчыд.

Школаыс ылын,
Мöдар сикт помас.
Абу на регыд
Сэтчөдзтö воны.

Медводз, дерт, тэнö
Жалитö мамыд.
«Велөдчы, — тшöктö, —
Лоан бур сяма».

Ачыс котöртö
Додявны вöвсö.
Аньяслөн сёрни
Торкö нин чöвсö.

Йизьöм гынкöма,
Гыöра шалля.
Рытнас ме вылö
Видзöдö жала.

Идрасяс, сэсся
Самöвар пузяс.
Пöлатын войсö
Чөскыда узям.

Пöлатя, паччöра
Керкаяс бырöны.
Гöбöчын пусянин —
Сэтшöмыс тыр öни.

Лөсалом стеньясы
Шпалерөн эжсьоны.
Небыдик диванон
Лабичьяс вежсьоны.

Көзөд и залавка
Лавкаысь босьтөма.
И телевизор со
Өшиньсө восьтөма.

Синсьыд би петмөныд
Том дырйи-д уджавлин.
Весиг мусюрсө тэ
Эн вермы вуджавны.

Эн адзыв некор тэ
Эжвалысь отсө ни.
Со тэныд өні тай
Ставсьыс и отсөгыс.

Тыдалө муыввса
Олөмыс-вылөмыс.
Асьтө жө өдвакө
Войтырыс кылөны.

Тэныд и бур, кор на
Вермыштан, олан на.
Ялаа ягыс моз
Ас мулы колана.

3

Сьөлөмөн кылі кор
Муслунлысь дойсө.
Олөмыс сэтшөма
Некор эз ков!

Кыдзи нө коллявлі
Сытөг лун-войсө?
Шуны кө веськыда,
Эг и ме ов.

Яла яг шөрө
Эг кыпөдөй керка.
Неылын визувтө көн
Ичөт ёль.
Рөмпөштан пыддыс
Эз ло ва веркөс.
Вольпасьным пыддыс —
Туруна оль.

Юр весьтын дзирдаліс
Век жө яр кодзув.
Пармаыс меліа
Вашкөдіс мойд.
Чеччыны шондікөд
Велалі водз зэв.
Сыланөн сьөлөмысь
Петліс пыр дой...

Том кадөй,
Верстьөлунөй коли.
Со, көні збыльысьсө
Коммуна.
Дас куим семья
Вылө дзоля
И пусянін,
И няйт ва мунан.

Кор гажтөмыс
Сы выйөдз босьтліс,

Горш кӱингъяскӱд
Тышысь мудзлі.
Ме мустӱмыслы
Ӗдзӱс востлі.
И кодзулӱдзыс
Сӱк эг судзлы.

Зык-шумас
Кызь во пӱшти олӱ.
И уна вежсис
Йӱзыс сӱнӱ
И со нин,
Ветымынӱ воиг,
Ас оланӱнӱ
Вичмис меным.

И ме друг кыдзкӱ
Шӱйӱвоши.
Кыдз батытӱм-мамтӱм
Челядь петӱ
Детдомысь.
Челядьдырыс вошӱ.
А томлун
Пель дӱн бокас сетӱ.

Сӱн комендантгъяс
Киын ставыс.
А тӱнӱ ачыл
Кыдзи кужан.
Кыдз быттӱ
Вӱльнӱнӱ светас таво
Ме сӱмын на и
Вӱлись чужи.

А чужи кө,
Мен овны колө.
И радлун юкны
Чужан мукөд.
И век жө
Медся мича олөм.
И сылысь шаньмөмсө
Он дугөд.

Войнас усьөма лым.
Ывла югдөма еждөдөм мусьыс.
Няйтыс вөлі нин кын.
Оз нин сыв лымйыс, мыйта көть уяс.

Ёнмас ю вылын йи.
Мөдлапөлас ме шутөвтла бара.
Пожөм лапсө, кыз ки,
Кутла топыда, гажтөмтчи карас.

Чужанінад век бур.
Сэн и сынөдыс чөскыдджык көра.
Шудыс бокысь эз сюр.
Коркө сэтчө ме, гашкө на, төра...

Кымын кассяна во
Нөшга верма на олөмті кевны?..
Тайө помасьө со.
И ме Енмыслысь выль во на кевма.

Олөм век пом ни дор.
Кодкө кулө, а кодкө и чужө.
Сійө некор оз ор,
Енмө пуктыны вөр-ва кө кужам.

ПЕТЯ САНВОЛОН ИЛИ СЕРЬЯС



ПОНТШАК

Эм вöрын тшак,
Код сёян тшак кодь мича.
Но сийö гусьон
Йöзлы ядсö видзö.
Кор гугöдан,
Сэк сöмын сийöс тöдан.
И лёк пез дуксьыс
Кезийöдлымön пöдан...
Эм татшöм морт,
Код олö микöд орччön.
Он кывлы сылысь
Пинясьöм ни ёрччöм.
Но сийö тэнö
Сидзи гусьон пурас.
И тойыштас на
Медся зыбуч нюрас.
Он тшак моз дукышт сийöс,
Тöдмав, гугöд.
Дзик сэтчöдз, кытчöдз
Олöмыс оз люкöд.
А люкöдас, да сэки
Лоö сёр нин.
Кыз дугöдны он вермы
Мисьтöм сёрни.
А «понтшакыдлы»
Веськодь йöзлön олöм.
И гугöдны да чужйыны
И колö.

ВЫЛЬ ЮРАЛЫСЬ

Тимопей Тупгыоров
Юралысьөдз воис.
Сөмын Енмыс төдө,
Кыдзи тайё лоис.

Нөшта чина войтыр
Төдөны зэв бура,
Мыйла Тимопейлы
Небыд улөс сюрис.

Веськөдлыны сьлөн
Көть и морттуй абу,
Кыскалө кыз бекьяс,
Кыдзи тшөгөм баба.

Дошлөй морт моз сийө
Контораын бызгө.
Лөз ситана гут моз
Сьодас мыйкө ызгө.

Тимопей өд өні
Ыджыд мортөн шусьө.
Арлөн ыркыд ловкөд
Номйыд, гутыд усьө.

Юралас на дыр-ө
Татшөм «сюсь» да «писькөс»?
Сийө сәки усяс,
Кодыр ставсө кисьтас.

ГИЖЫСЬЯСЛӨН ОЛӨМЫСЬ

* * *

«Войвыв кодзув» журналö öти коми гижысь вайис серамбана висьт. Сетис лыддыны Владимир Ширяевлы. Виччысьö, кор ответственной секретарь семдас серамысла.

— Но, кызди?.. — юасьö автор.

— А лок мышкөд гильöдышт, гашкö и гижышта, — вочавидзö мöдыс.

* * *

Уджавлис öти коми гижысь «Югыд туй» газетын корреспондентöн. Öтчыд сийö Изьва районуль (дас лун ветлöм бöрын) блокнотас вайис сöмын öти сёрникузя: «Мöдлапöлын тыдалöны мöсьяс да йöз, турун заптöны кө-а?..»

* * *

Во джын мысти тайö жö гижысьыс паньдасяс карса улича вылын главнöй редакторыскöд. Мыйла нö пö он чолöмась, юалас газетнад веськöдлысьыд. Ме пö тöдтöм йöзкöд некор ог варовит, вочавидзас мöдыс.

* * *

Висер вожö воласны йöзкöд аддзысьлыны коми гижысьяс И. Вавилин да В. Ширяев. Вузасясны и книгаяснаныс.

— Лоо пö öти книга сюмöд пыдди пач ломзöдны босьтны,— гораа юöртас менам чой.

— Менсьым босьт, менам унджык листьяса,— шуас Владимир Архипович.

* * *

Öтчыд сира турун моз сибдiс-клеитчис ме дорö карса ыджыд лавка кильчö вылын чиганка:

— Вай дас шайт и висьтала став збыльсö.

Висьтав, мися, дыр-ö ме нöшта ола тайö грека му вылас. Зэв пö дыр олан, он кө кадысь водз кув.

* * *

Шойнатын лыддысьсысьяскöд аддзысьлöм бöрын дебаркадер вылын В. А. Ширяев виччысьö Кулöмдiнысь Сыктывкарö лэччысь паракод.

А дебаркадерыд сийö паракод кодь жö, öшиньöдыс кө видзöдны ва вылас, быттьö кывтан либö катан. Вунöдчас гижысьыд, мый сийö эз на сöv паракод вылас. Сы костi сувтлас «Коми колхозникыд» и бөр нин торийöдчас да мöдöдчас бруткыны карлань.

Владимир Архипович шенасьö кинас: аддзысьлытöдз пö, Шойнаты. А паракод ылысянь нин тутöстас сылы воча: прöщайтлы пö, шань гижысь, мöдысь вольтöдз!

* * *

Паныдасисны кык гижысь. Öтиыс аддзö мöдсö садьöн да чуймöмөн юалö:

— Мый нö, другö, шыбитiн юнытö? Дыр-ö нин он ю?

— Аскомысь коймöд лун лоö,— вашмунiс мöдыс.

* * *

Модао пырис вина юомысь да куритчомысь коди-
руйтчом. Оти коми гижысьос ас көсйытöгыс вöтлiсны
пенсия вылö. Сьом эз кут тырмыны весиг сёйны. Локтiс
врач дорö да зэв збыльысь корö.

— Кодируйтöй менö сёйöмысь, мед некор эськö
кынöмöй эз сюмав.

* * *

Н. Щукин томсяные на лэдзис зыр пасьта тош.
Куломдiн районса öти сиктö теплоход вылысь чеччигöн
берегдорса йöз жалитöны:

— Татшöм пöрысьсö, коньöрöс, мый и кыскалöны
сиктъясöдыс.

А берегö чеччысь гижысьяс пöвстын сийö медто-
мыс.

НИМЛУН СЁЙИМ

Ог нин помнит, кутшöм классын ми сэки велöд-
чим... Менам пöдругалөн воис чужан лун. Корис ми-
янос — куим пöдругаос — нимлун сёйны. Быдөн ми
пасйылiм чужан луннымос. Мам-батьным пулiсны ки-
сель, рок, пузьöдлiсны самöвар, пöжасьлiсны и гöсти-
тöдлiсны корöм челядьос.

Сiдзи жö көсйис вöчны и менам пöдругаöй. Ми,

кором челядь, зэв долыда мунім нимлун сёйны. Пырим керкаас, а гозья обедайтоны. Пуксим порог дор лабичас, виччысям, кор корасны пызан сайо.

А пөдругалон мам-батыс топыдник йоз вөліны, горшеникось на дай.

Сёйисны гозья яя шыд, проса рок, шлупиисны-панялисны тасьти кисель. Ырскисны сакара чай и, кор кутис нин горзьодлыны, батыс мурөстис:

— Сэсся нинөм сёйны-юны абу...

Гортын мамө юалис, мыйон нө пө гөститөдисны. *Быдсяматорнас, мися. И ужьнодз эг лысьт сёйыштны, көть эськө и кынөмой гурьялис-сюмалис.*

ПӨЛАТЬСЯНЬ КРӨВАТЬӨ

Ми Агния пөдругакөд велөдчим нин школаын, а вежөрным чипанлөн мында на и вөлі. Унджык прөст кадсө колявлім миян керкаын. Чомйон ворсам, шердынөн дадь пыдди кыскасям джоджөд (важ керкаас краситтөм вөлі сийө). Пөлать брусө ошөдөм гез качайын бовьялам...

И вот отчыд мөвпыштим пөлатьсянь чеччавны крөватьө. Первой чеччалім чойлөн пружинаа көрт крөватяс. Чеччыштан, да вылө качөдлө, юр пыдөсыд на пөлатяд котшмунө. А орчөн сулалис пу крөвать, пөль на сийөс вөчлөма. Шуим сэтчө видлыны чеччавны. (А узьлім тайө крөватяс ми мамкөд.) Эз и ковмы парашоттөгьд дыр лэччыны. Ог нин помнит, кодлөн

гышкысьомысь ратшмунісны пөвьяссө кутысь утьясые, и кровать пыдөс лои джоджын гөн вольпасьнас и юрлөсьяснас. Повзим, дерт. Но мыж вөчысь мортыд пыр корсьө петан туй. Корсим көвторыяс и чегөминьяссө көрталім. Бөр тэчим пөвьяссө, вольпасьсө, эшкынсө и юрлөсьяссө. Ыджыда лолыштны ог лысьтөй, мед оз бөр кисьсы.

Пөдругалы нө мый, муніс сэсся гортас. Со воис и мамө ужж вылысь, сы бөрся чой аслас бухгалтерскөй тшөтінас. Самөвар пузьодісны. Пызан сайө пуксьөм бөрын куті ниртчыны чой дорө, мися, позьө өти вой көть узыны мамкөд тэнад приданнөй пружиннөй кроватяд. Ми өд, мися, ог ёна лайкмөдөй сійөс. Каньги да каньги, весиг синва на пыдзырті.

Ладнө пө, сөгласитчис чой и кайис клубө. А ми сэсся регыд и водім пружиннөй кровать вылө. Мамө дзик пыр жө унмовсис мудзвывсьыд. Менө вугрөдлө нин, но узыны ог лысьт — виччыся чойөс клубысь. Кор сійө пырис гортө, кок шыяс сертыс нин гөгөрвои, мыйкө сылы абу удайтчөма. Пемыдас ид няньөн и дзибыртіс йөв кружка. «Казбек» папироссө на нёнялыштіс, пөрччысис, и кызд тай войся лөняс гымыштіс, мамө весиг унійвсьыс чур-чермунлі. Мый пө нө, нылө, лои. А мөдыс — воді пө тай со! Шойччы, шойччы пө, шуө мамө. Да-а, тані сөмын и шойччыны.

А ме мамө мыш сайсянь көка: мися, петкөд да шыбит сараяд, нэм помыс тайө пу кроватывслөн воөма. Сэсся и мамө дзикөдз садьмис: лысьтлы пө сөмын мөссө да ыжъяссө шызьөдны.

Асывнас ставыс тыдовтчис — чегөмин пуыс эз вөв сись. Мөдарө на, рысь кодь еджыд. А өшалісны сәні нырагез помьяс.

А батьөлөн важ тасмаыс йөктіс менам бекьяс вылын сэтчөдз, кытчөдз мамөлөн кийс эз мудз.

КОДЛЫ ШЕДӨ, КОДЛЫ ОЗ

Ваня воккөд ми радейтлим вуграсьны. Өтчүд вуграсим сыкөд пöшти орчөн. Сийö кельчи-мыктö сөмын лэпталö и лэпталö, а меным оз шед. Скөрми да кори вежсыны местананым. И бара сылы шедö, меным оз. Бара вежсим. Сылы шедö, меным оз. Скөрми сы выйöдз, платтьöн и бузгыси ваас да став черисö повзöдi. Ваня менсьым вöсньыдик көсаөс муртса эз орöд. Йöй пö тэ, нидзувсö öд оз шөрöдыс пысавны вугырас, а вугыр йылыд аршин кузя тыдалö. Черийд öд абу тэ кодь йöй. Быгтьö сылы водзджык эз позь висьтавны та йылысь.

МЕДМИЧА ТШАК

Өтчүд мамökөд вуджим мөдлапöвса ягö тшак вотны. Ме дзик первойысь на тшактö корси. Мамö шуö: медмичаяссö пö öкты. Сийö öтар яг бокöдыс мунö, а ме мөдарöдыс. Мича кө и мича. Видзöда — гөрд, еджыд чутьяса сэтшöм мича тшакьяс! Öдийö и чуманöй тырис. Нимкодьыд менам! Котөртi мамö дорö, петкөдла. Сьöлыштiс мамö чуманö, гугöдiс тшакьясö. Гут кулан тшак пö тайö. Мися, тэ жö медмичасö тшökтiн öктыны. Номыртöмьяссö пö.

Сэсса и петкөдлiс масленик, гобьяс...

СӨСТӨМ СЫНӨД

Шуоны, көч пө полысь. Гашкө и, полө. Но Ягвыв сиктын эм сюра-тошка мужик. Төдліс кө көчылд эськө Микул йылысь, вылө нырсө лэптіс.

Сёр рытын, гортас кө битөм, Микулыд оз пыр керкаас, виччысьө кильчө пос помас гөтырсө да челядсьө. А медым өтнас кольччис узыны, сиктса войтыр оз помнитны. Но колө жө лоны, гөтырыс, пөрысьө-нэмө, «артистасьны» кутіс. Төлысь «Войпук» репетируйтисны, фестиваль кежлө дасьтысисны.

— Эн пө и думайт карад лэччөм йылысь, — мурөстывліс Микул аслас дона пөлыслы.

Мөдыс чөв оліс. А сэсся верөссьыс гусьөн, нывка-яссө тиөтш карсө петкөдлыны аскөдыс босьтіс, и шутөвтис фестиваль вылө.

Пукалө Микул өшинь дорын, семьясө виччысьө. Пемдыны нин кутіс. Биасьны лои. И друг пызан вылысь син улас уси талунья газет. Медводдза лист бокас бура ыджыд снимок. Йирмөг босьтіс мужиктө. Ягвыв сиктса аньяс пиын долыда нюмьяліс Лидя. А улиас гижөд: «Талун Сыктывкарө воисны...» Микулөс быттө чышкыштисны керкасьыс, кильчө содсө бокьяснас лыддис. «Мед сөмын тьоща эз слөймы водны»... Но тьощалөн битөм өшиньяс улө воөм бөрын төд вылас уси, мый «Войпук» спектакль нуөдысьнас, сыланкывьяссө босьталысьнас репетицияс вылын вөлі булки кодь чужөма тьощаыс.

Он өд вөзйысь кодкө ордө узыны, йөйөн нимтасны. Бөр кайис гортас, керкаө, дерт, эз пыр. Пукалө поска помын. Кынмө, йирмөг босьтө, но пукалө.

Вой шөр бөрын нин воисны карысь «артистьяс». Дзирья дорсяныс котёртысь ичөтджык нылыс чуймөмөн юалис:

— Мый нө тані тутвидзан, батьө?

— Сөстөм сынөдөн лолала!— мурөстис Микул.

МИЯН ПЕМОСЪЯС

Гортса пемөсъястө ми видзлим уна пөлөсөс: мөстө и порсьтө, ыжъястө и каньтө. Весиг вөралан пон видзлим, көть и мужик мортыс, кыйсьысьыс, керка помын эз вөв. Эгө и эмбур видзөм ради сийөс видзөй. Киссьөм пывсян да пөлөс керка вылад некодлөн вежыс оз пет. Пөчөлөн пөдругаясыс миянө пырнысө нин вөлі полөны. Өдзөсным мышканыс клопкас, да пөлөс джоджөдыд гөстягд пачводз дорөдз тутө вөлі.

Мамө асьсө лыддис шудтөм киаөн, а меным вөлі кажитчө мөдарө. Мөсным миян вөлі медся мича. Карса барышняөн ыдждөдлывліс сийөс мамө. Смоль съөд лөсталан гөна. Сөмын плешкас еджыд кодзув дзирдаліс. А мамө век броткис сы вылө, йөв пө этиша сетө, век сулалө. Йөзыс вый вөчан заводө пө деньга вылө йөвсө сдایتөны, а миянлы пө мөска вывті бокысь йөв ньөбны лөө.

Ыжъястө ме ёна эг радейтлы, зэв нин кывзысьтөмөсь найө вөліны. Шыригас кутнысө найөс зэв дөсаднө. Лукасьоны да пессьоны ёна. А вот баляпьяныс мичаөсь да мусаөсь вөліны. Өтчюд рытивбыд бөрді, мамө ас дорө кровать вылө водтөдны эз лэдз да.

А каньыд керкаын асыö збыль кыліс көзяинөн. Тузыклысь эз этшаысь нырсö парсавлы. Абу пö тэныд местаыс керкаын, пет пö жытник дорö, пон рöd. Пöрысьö-нэмöсö сэссия тай лöсявны жö мöдiсны.

Пемöсьяснад жö крестьянскöй керкаыд гажа-а. Öнi вола гортö, да гажтöм босьтлö. Нинöмөн оз торъяв чужан керкайö менам карса жырйысь. А ме эськö көсий торъялöмсö...

ВÖР КЕРКАЫН

Öтчыд турун пуктан кадö ылыс видз вылын кык тьötöös весьöпöртмөн повзьöдiс «кöмтöм кока», Август тöлысьнад войясыд пемыдöсь нин. А вөр керка öшиньыд ичöt да и то пемыд, кор пыран сэтчö. А войнас — көть синмад чуткы. Сёрöдз уджалiсны Анна да Марья. Пока зорöd сигöртiсны да керкаöдз кайисны, вой суис. Кружкаын көтöдöм сукарьяс няклялыштöм бöрын водiсны нар вылö. Мудзвывсьыд öдийö кутiс вугрöдлыны анястö. Марья регыд ныргорөн унмовсис, а Анна унйывсьыс зэв ясыда кутiс кывны: кодкö көмтöм кока шляпьялö джоджöd дзик ськöd орччөн (ыджыд-ö нö вөр керкаыд). Мудзöмыс и ун локтöмыс кытчökö шутөвтiсны аняслөн. «Бласлö кристос, öдзöссö тай нö каличалi аслам киясөн, гезйөн на вугйöдыс көртышти стенö сатшкөм пу увйö», — югнитiс повзьöм вежöрас тьötөлөн. Каличыд пö медся бур молитваыс, шулывлöма на ыджыд батыс. «Каститчö тай вöрсаыс...» —

көсiйö гөлөссö сетны Анна, медым пöдругаыс садьмас, но оз вермы кывсö шуны. Сэссия гөгөрвоис жö зургыны Марьялы бокас, мöдыс ымöстiс да садьмис. «Кылан, Марья... Көдкө көмтöм кока джоджöдыс шляпьялö», — дзöран гөлөсөн вашнитiс сийö. Но кок шыяс друг ланьтiсны. Быгтьö ветлöдлысыс кывзысыны кутiс. А сэссия... зэв ясыда бара: шлөп, шлөп. Ланьтлас, воськовтас, и сiдз войбыд. Войбыд жö синьяссö эз куньлыны аньяс, öта-мöд дорас жмитчöмөн куйлiсны, став тöдса молитваяссö гусьөн лыддисны. А кор югдыны пондiс, тöдчыны кутiсны пötөлöкын керьяс, горья пач, — аньяс керкаысь некодöс эз казавны. Каститчысь некөн эз тыдав. «Молитваыд отсалiс», — ышловзисны кыкнанныс. Анна пуксис нар вылö, и синьяс улас дзик пыр жö усис джодж шöрын пукалысь ыджыд лягуша.

«ЭН КОЛЬ»

Горув сиктсаяслөн мöс йирсöданiныс кладбище сайын. Креста йöртi мунiгөн кызкö овлö шуштöм да и ставыс. Талун асыв Трипиль Марья йöзысь водзжык лысьтiс мөссö да лэдзис саяс, мед пö виччысь-ыштас мукöдьяссö.

Но Сюрук дыр эз думайт, бöжсö вылö лэптылiс да и шутөвтiс креста йöрланьыд. Быть вöтчы Марьялы сы бöрся. Тайö чики-микисыс быдтор позьö виччысь-

ны. Мунас да корсь сәсся, кызди кольом гожом — нюрө муртса абу вөйөма.

Кольөдiс тьотө тайтөсө йирсьөдчан йөрө да бөр локтө гортас. Ывлаыс шондiа. Креста йөрыс весиг өнi кыпыдөн кажитчө. Но, кор кладбище коли мышкас, Марья бөрсыйс кылис тэрыба шуалөм: «Эн коль, эн коль, эн ко-о-ль!» Юрсиыс зэвтчис туюкюр улас. Пөсьө и көдзыдө шыбитлис сийөс. Марья нетшыштчис му бердсьеыс да заводитiс төвзыны сиктланьө.

Кутшөм нин сәни «эн коль!», кор тэ бөрся креста-йөрсаыс вөтчө. Лысьтан өмөй видзөдлыны бөрвылад.

А кладбище потшөм йылын пукалис Öльөксан Ёгорлөн петукыс (кодi төдө, мыйла сийө татчө кайөма гортсьеыс) да сылис «Кикируллю» песнялысь помсө: «Ко-ко-ко! Ко-ко-ко!»

ШЫШЪЯС

Ме сәки вөли ичөт на, кор и миян Ягвыв сиктөдз воис радиовд. Бытьтөкө бигур вылын сьөдөдз сотөм ыджыд тасьтiяс өшйисны керка стенъясө образъяскөд орччөн. Водзынсө мамө сёрнитлис өгнас образъяскөд, а найө век чөв олісны, а өнi радио ськөд сёрнитө. Мамө шемөсмөмөн чөв олө, кывзө. Оз гөгөрво сөмын рочнад, мый висьталөны.

Сьөд тасьтiтө, «радеетө», өшөдiс стенас и миян бур суседка Дарья тьөтка. И сийө жө рыгнас кок йыв сувтөдiс Ярө шорпөлөнса став олысьсө.

Вөлі сёр ар, водз пемдө. Югыднас на Дарья тьотка лэччас Ласей гозья ордө. Могыс вөлі ыджыд: лэччөдiс Ласейлы кеслыштны гогынсө, ыжъяслы колө вөлі пипу кырсыштыны да. Турунды сэки вөлі норма, видзястө эз юкльвны öнiя моз. Трудоденьяс вылад турунтө сөмын этшаник сетыштлiсны. Öнi öд, майбыр, и мөстө да сө ыж көть лөсьöд — видзясыд ныр улынөсь, но дышмисны йöзыс.

Ласей гозьякөд Дарьялөн варовитөмыс нюжалiс карө лэччан туй кузяөдз. Гогын важөн нин вөлі лэчт-öма, Ласей важөн нин öзтiс карасин лампасө.

—Аттьö тэныд, Ласей. Дыр и пукалi.

Сэсса Дарья кималасөн посводзөд петiс ывлаө, бөрөн лэччис Ласей кильчө джуджыд содйөд да, кокнас туйсө видлалiгтыр, мед не крукасьны да лэбзыны град йөр бөрөздаө гогыныскөд орччөн, мөдөдчис гортланьыс.

Кайис кильчө вылас. Керкасө вөлі тасалöма карнанөн — сэки томаньястө гежөд йөз на öшлывлiсны. Друг Дарьяөс быттьö сотыштiс карнан помыс, чутөдысь дөра чышгьян улас вөрзис юрсиыс, сьөлөмыс ыркунi, лигышмунiны кокъясыс, и муртса эз пуксы кильчө шөрас. Керкаын кодьяскө кылiсны. Пинясисны рочөн. Дерт, юксисны пöрысь мортлөн жебиник, но колана эмбурөн. Öнi эз тай падмөд пемыдыд Дарьяөс, эз видлав кокнас векныдик ордымтө, веськыда градьяс и бөрөздаяс вомөн, быттьö том чань, котöртiс Дарья Öльöшгьясө — налөн керкаыс вөлі медматын и мужикуловыс керкаас тырмымөн вөлі, гөтрасьтөмөсь на Öльöшлөн пияныс.

— Вө-вө-вөрьяс пырөмаөсь керкаө..., — пөдөм ловсө шедөдiгмоз ойöстiс Дарья. — Унаöнөсь кылöны.

«Унаöнөсь» кывсыд Öльöш пиянлы немкө лои.—

«Сідзкө, колө чукөстны Ярө шорпөлөнса став мужикъ-яссө», — повзьёмөн шуис Митрей, кодөс сиктын ним-тылісны Көчөн и коді вөр керкаын өтнас некор эз лысытлы узьмөдчыны.

Пищальяса, черьяса да карасина пөнарьяса вой-тыр кытшалісны Дарьялысь нейджыд керкасө. Медся повтөмьясыс, ош чергөдысьясыс, кайисны кильчө вылө, босьтісны өдзөс вугсьыс вөрзьөдлытөм карнансө, пырисны посводзө да нетшыштөмөн восьтісны керкаө пыран өдзөссө.

Керкаын кыліс тоньгөм шы, а сэссия комиён, дзик Ягвыв сиктса ногөн, шань гөлөсөн пырысьясөс чолө-маліс «сьөд тасьтісянь» тыдавтөм дядьö: «Бур рыт, дона ёртъяс!..» Но некод нин нинөм эз вермы кывзыны. Личалісны зэлавлөм сөнгъяс, вом каличьяс. Ставныслы вөлі долыд. Серамысь шызисны Дарьялөн ыжъясыс да быттьö тшөтш «бе-э-э-өн» ваксисны.

ВАСЬКА

Миян гортын эм ыджыд да ён Васька кань. Кор вои отпускө чужан сиктö, автобусысь чеччи лавка дорö, өти сиктса дядьö адзис чери сумкаөс да шуис, мыйла нө пö ваян черитö, тиян асланыд каньныд юысь чери кыйö. Ме, дерт, сылы эг эскы, чайті, шмонитö дядьö-ыд. Миян сиктын шмонитысьыд да пөрьясьысьыд, майбыр, тырмө.

Кор пыри гортö, медводз юалі мамöлысь: көн нö Васькаыд. Чери пö кыйö, вочавидзис. Эн, мися сөр. А вот пö мун ю дорас лэчыв да видзöды.

Лэччи вадорö. Видзöда — кык зонка, Виктор да Илья, — вугыр шатинөн кыйöны чери. А мян Васька нукалö дзик вадорас да таб вылас видзöдö. Друг табыы Викторлөн вөрзис, а кань лапа пöвсö нин лэптыштліс. Тöдö нин, мый ёкышпи ли кельчи сама вугырсö вөрöдö. А кор табыыс вöйи, кыкнан водза лапанас пырис ваас. Виктор лэптис весът кузъта мык, перйис вугырсыыс и дзик жö пыр сетіс Васькалы. Ми пö öд талы и кыйсям. Водз пö локтö öшинь уланым. Ми узям на, а сійö виччысьö нин мянöс. А дырджык кö ог чеччöй, юрсö чатöртöмөн чуксасыны кутас: «Няв-ням!»

ЛОВЪЯ ЮРÖН — МÖДАР ЮГЫДÖ

Тайö дивöыс вöлі зэв нин важөн. Ме сэки вöлі том на. И радейтчи тай со. Унмöй воши. Лун и вой сы йылысь думайта, кызди эськö сійöс семьясыыс торйöдны да пышйöдны. А сылы пöсь ни кöдзыд.

Öти вой бара эг унмовсьлы. И юрö воис öти зэв «тöлка» мöвп. А кула кö, мися, кöть шогö усьлас оз? А збыльысь кö нö кула, кызди ме кута тöдны? И ме кыв кöрталі: кувлыны ловйөн, паськöдны юөр аслам кулём йылысь.

Лёк юöрыдлөн кокыс кузь, öдийö паськалö.

Сентябрнад өкмыс час рытын пемыд нин. Ог весиг биась, керка өдзөс игантөм (кулөмаыд өд оз чеччы да восьт). Чайта, воис нин юөрыс муса мортөдз. Дерт, сийө медводз воас да кутас бөрдны кыз синваөн.

Некод оз лок, вугрөдлыны нин кутис. Пөшти вөли узя, грыма-йирка кодъяскө пырисны керкаө. Öзтисны би. Син ог восьт. Кыла, өти гөлөсыс чойлөн, а мөдыс — шопер Митрейлөн. Кузь автобуснас сылы сөмын поконицьясөс и кыскавны.

Эв зiля пукси крөвать вылө. Воисьяс чур-чермунлисны, но сэсса сайкалисны да тшөктисны пасьтасыны. Ветлам пө сиктад, керка тыр пө йөз виччысьөны. Мыйла, мися? А тэнө пө дзедны-гуавны. Со кытчө юөрыд медводз лыйыштөма.

Воим сиктө вой шөр гөгөр. Миян керка өшиньясын сярвидзис на югыд би. Öшинь увтi кайигөн горөдi сьывны: «Ме гуляйтi лун да вой...» Мед, мися, мамө оз повззы, төдас, мый ме ловья на.

Пызан сайын пукалисны нин сөмын некымын морт, мамөөс гажөдысьяс, полан өд тай кулөм мортсьыд. Мукөдыс муналөмаөсь шойччыны, медым водз чеччыны да пусыны-пөжасыны, поконча Сандраөс кольөдны.

Мөд лун асывнас мамөй водз жө чеччис, няньыд өд уна көтөма, пражитан-жаритчан уна лөсьөдөма. Аслым и унджык пусян-пөжасян уджыс сюрис.

Сэсса воалисны матысса и ылысса рөдня-вөдня. Эз жө тай шөгө усьны, мый ме ловья. А Иван вок менө өшинь дорысь адзис да град бөрөздаө гатшөн чергысис, зырийс тутис пывсян дорөдз. Но и бур, нинөмла ловья мортлы гу кодйыны.

Куим сутки гажөдчим-гуляйтим. Татшөм бурасө менө некор на эз гөститөдлыны: пөтка яй да свежөй

чери, мырпом и ельдөг, чөскыд пирог-шаньга. Вина киссис шорөн.

А мунигөн юасыны кутисны: волан он пө 9 да 40 лунтө пасйыны-казытыштны. Вола, мися, тадзи жө кө шаньось да бурось лоанныд.

Муса мортлөн жө весиг синва войт абу петөма. Колө пө эськө «Югыд туйю» сетны шогсян юөрсө, да деньгаыс жаль лоөма.

ОШКЫД ÖД МИЧА

Школаө пыртөдз медбөрья восө меным ковмис эновтны детсад — батя челядьлысь кутисны босьтны сьом. Бать менам зимогоралис, туй ни пом ми сылысь эг төдөй, а сьом йылысь и сёрниыс абу. Олим ми гөля, кыдзи и пöшти быд семья миян сиктын. Мамө уджалис трудодень вылө, а чой велөдчис Ижмаын тшөтөводө. Кос тшака шыд вылын жө велөдчис. А детсайдйыд меным вөлі зэв дона. Сэни и повидлоа няньтө сетлывлісны, чөскыд кампеттө, а миян гортын — картофель да самөвара чай, заваритөм треска да гежөда зэв кружка йөв.

Детсад өшинь улас ме и олі, виччыси, кор найө завтрак бөрын петасны ывлаө ворсны. Ыжъясөс моз челядьтө йөртөмаөсь дзескыдник йөрө — ворс да сэсся и котрав.

Ышөді Василөкөс да Ваня вокөс пышйивны миянө. Пышйөді өд. Челядь видзөдысьыслы шуа: видзөдөй, мися, мөдлапөлас ероплан пуксис. Видзөдіс сійө,

видзодіс, эз адзы да ю дорё лэччис. А тайё миянлы и колё вёлі.

Муас нин джынвыйё вёйём керкаын миянлы гажыс воссис: и дзебсясьомысь, и кутасьомысь ворсім, кытчодз эг казялөй Ванякөд, мый Василёклы дөрём мышкас сись керьяд олысь сюра гагыд пуксьома. Ми кутім воккөд чилзыны полёмнымла. Василёк төдмаліс да чеччалөмөн кутіс бөрдны.

— Босьтөй! Шыбитөй! Ой-ё-ёй!

Ваня вок лягушатө питшөгас лысьтө суюны, а сюра гагтө — Ен мед видзас. А ме йылысь и сёрниыс абу.

Миянлысь лөвтөмтө пөчө кылөма, пырис керкаө град вылысь.

— Бласлө кристос! Мый нө лоинныд?

А миянлы и кывйыс оз сюр, сөмын индам чуньясөн Василёклы мышкас.

Сюрөдыс пөчө и кыскис тайё повзьөдчысьсө да дзирья өшиньөд и жбыргис. А ош пө кө нө паньдасис тиянлы, сэтчө и чергысинныд полөмныдла.

А мездөм Василёк и ми тшөтш, кызкө тай артмис өтвылысь:

— Сыысь эськө эг повзьөй. Ошкыд өд мича, а тайё сюра чөрт кодь.

КОСЛУН

Важөн кослуньяс дырйиыд коми войтырыд эз сөйлыны яя-выя, йөла сёян. Тшак ва, зыртөм кушман,

паренча да мый да нурьясянторйис вöлі. Сійö кадея кослуныд да улылуныд öнiя йöзлөн вунöма нин. Мый эм керкаад пунытö-пöжавнытö, сійöс и сёян. Деньга-сьыд кор топавлан, сэки кослунгяджык сёян-а.

Но öнi выль пöлöс кослун лöсьöдiсны ёна вина радейтысьяслы. Дерт, унджык войтырыс ошкисны тайö зэв туяна законсö. Но ыджыд шогö усисны сiдз шусяна улылун радейтысьяс. И кутiсны найö корсьны тайö лэчсьыс петан туй. Тöлкаджык войтырыс шуисны, тадзи пö и миянлы колö. Но ты-мускөдзыс көтасьöм мортыдлы ёна деливö лои. На лыдысь öтиön вöлі Логинов Ладимер. Сиктса ногөн кө, Лагун Ладимер. А син саяс прöстö Лагунön шуисны. Дженьыд и кокньыд шунысö. Да и олан сямьслы лöсялö. Бөрья дас вонас кодкө кө сійöс адзис эськө садь юрөн, эз и эскы. А вермас лоны, и мөд морт пыдди мөвпыштiс, воча вокыс пыдди, кодi карын олö.

Вöскресенньö асылö Ладимер садьмис водз. Юрас шувгис пожöма вөр. «Шойччан лун кузя талун и вина лавкаыд оз уджав. Нинöмön юртö веськөдны. Но и олөм воссис», — мөвпалiс сійö шога. Тöрыгьясьыс войт абу кольöма. Гөтырыс ниетiс-узис орччөн крöвать вылын. Банийöм булки кодь. Оз, майбырöйлөн, юрыс вись ни сёлöмыс гудрась. Вина сійö эз ю да и гортас эз видз. Нинöм пö Лагунöс вельмөдны, сiдз нин удж вывсьыс век нель кокөн локтö. Сизим удж нин вежлiс. Көсийö нин вöлі бурдөдчыны мөдөдны, да друг со законьыс чорзис. Надея да эскөм чужис Лагун гөтырлөн. Öд и сылы нин мужикыслөн нимтысян кывйис көвьясис.

Кослун көть абу-а, көш ва троньöбтiс Ладимер, а сэсся котөртiс-петiс кильчö вылö. Сэни сійöс сэтшöма гугөдiс. Чайтiс, мый сёлöмыс вомөдыс петас. Сэсся

арся ыркыд сынөдсө морөс тырнас лолыштіс, и лоис кокниджык. Таво лымйыс усис октябрас нин, да вөлі дзик төв кодь. Пуяс гыбраөсь. Асъя ывлаыс руа.

Важөн пө тай тагья сур вөчлывлөмаөсь, — өтчыд казтыштіс гөтырыслы да не рад лои и вомсө восьтлөм вылө. Петкөдла пө ме тэныд сэтшөм сур, мый плешкад каяс ыджыд сюр. Век жө Лагун радейтіс Марьяөс, некор эз печиктыв и паныд кыв эз шулы. Но сійө зэв бура төдіс, мый сылөн суседыс, Каллян Мөсей, гусьон вөчө кутшөмкө брага. Өтчыд на ошйысыліс гыльдмөм кывнас, менам пө брагаөй виас любөй врагөс. Смерть немецким оккупантам пө да и все.

Петавны кө-а сы дорө? Сэсся тшайпод кежсьыс куш майка вылас пинжакөн и довзьөдіс дзөран кикокнас. Мөсей эз нин узь. Чужөмыс удитөма нин шылявны, сингьясыс мавтөм сөчөнгьяс кодьөсь. Варова и видазасис Ладимеркөд. Лок пө пуксыс пызан саяс, чукурөсь чужөм-рожатө тшөтш шыльөдышт. Миянлы пө кослуныд — тшаква. Сідзи пө небзьөдчам да көтөдам горшгьясөс, мый вежонөн он пыдзырт. А сэсся кисьтіс стөкан тыр кутшөмкө зелля, код помысь збыльысь өвтіс враг дукөн. Смерть-смертьөн, а враглы али кодлы, он на и төд. Гашкө, ачыд верман чергысыны татшөм добрасьыд. Чеччан да кын. Он и төдлы креста йөрад гургасны. Но век жө Ладимер, ловсө ас пытшкас кутөмөн, гулькнитіс стөканө кисьтөмторсө. Здук мысти морөспань улас кутіс югрөдлыны. Шоныд и лөсьыд лои мортыдлы. А сэсся, мый йылысь варовитісны, кыдзи колис луныс, сійө оз и помнит. Садьмис, восьтіс сингьясө — дзурс пемыд. Өтарө кисө вештыштны көсийс, пустенө веськаліс. Вывлань лэптіс кисө — бара пөтөлөк ли мый ли. Юрыс тшөтш мыйөкө чорыдө ликмөма. «Царствие небесное!» — сөмын вирдыштіс юрас. Сэс-

ся лёкгоршён горөдіс повзьюмысла. Сійö зэв бура төдіс, мый кулём мортгьясыд оз горзывлыны, да код төдас, гуалём бөрас, гашкө, и овлө сэтшөмторйыс.

Сэсея друг югыд лои. Электрической лампочка öзийс. Лагун куйліс пу кровать улын сійö жө тшай-поднас да дөбельки нин няйтчөм-чукрасьом пинжак-нас. Гөтырсьыс-ө дзевсьыны сэтчө пырис али юр веж-өрыс нин эз уджав, кытчө колө водны мортлы: кровать вылас али улас. Но та бөрын вунөдіс туйсө Ладимер дөвеч друг дорас. Весиг улылунгьясыд сылы веськодьюсь кутисны лоны. Мөдар югыдас пө мунны некор на абу сёр. А таладор светас олігөн колө кывны да адзыны ставсө. Нинөмла кадысь водз шондісө кусөдны. Лагун гөтырөс öні Ладимер Аннаөн шуöны, а мөдсө сөмын Ладимерөн.

НЮМСЕРЪЯС

* * *

Иван воккөд вуджалім кос ягө тшакла. Сылы чуман тырыс сюрис белöй гриб, а меным сөмын гөрд кос ныв тшакгьяс.

Берег дорын пукалысь мужикгьяс сералöны, Петыр Саньöлы пө сөмын гөрд тшакгьяс и сюрөмаöсь.

А ме скөрми да вочавидзи: ме, мися, гөрдгьяс дор, а Иван белöй бандитгьяс дор.

Век вöлі сійö индө менө вотчыны, көні тшакыс оз быдмы. А зырымбедь меысь арөсөн и ыджыд.

* * *

Журналист Спира Прокёос ыстасны командировкао. А од коми сиктгьясыд быдлаын абу откодъось. Узынытö оз лэдзны арся кодзыд войнад. Öзтас бипур колхозной му шөрö, мед не изöймитны, да печенча пöжалö.

Сиктса мужикгьясыд жö и кутасны сийöс шыш пьди. Йöртасны сиктсöветса чижовкаö.

Асывнас сöмын документгьяс серти тöдмаласны збыль мортсö. А Прокöйд аттьöалас на юр сюянин сетöмысь, од войбыд шляча усьöма.

* * *

Радиопередача нуодом бöрын Спира Прокö вунöдас выключитны микрофонсö. Нёдзвотчас да гораа шуас:

— Марья, самöвартö пукты, регыд локта.

Коми му пасьта юöртас. А став Марьяыс кө самöвартö пестисны да кутисны виччысьны Прокöос?

* * *

Коми гижысь В. А. Ширяевлы карса улич вылын паньдасяс Нёбдинса землякыс.

— Тэ нö, Владимир Архипович, дугдин гижнытö? Ог тай некытысь адзыв ни кывлы-а.

— А ме од öни Шолохов памиллеөн кырымасы.

— Мыйла нö сэтшöм тöдгöм памилле аслыд босьтин? Сийön и ог тöдöй, гижан али он.

* * *

Коми гижысь Павел Шеболкин комендантавліс Льюмью дачаын. Асывнас петас ывлао. Некод некон абу. Мед коть по оти писатель локтис талун шойччыны, отнамлы гажтом од,— думайто сийо. Друг кылас, борвылас кодко чукостас:

— Паве-е-е-л!

Зав зия да долыда бергодчас видзодлыны, коді сийос коро. А сәні сулало да йирсьо еджыд коза, бакостома да вокас турун нин някляло.

* * *

Корткерос райкомо корко важон нин воома индод обкомсян: быд асыв райкомса уджалысьяслы, кодлон эм зептас партбилет, колло вочны физзарядка да котравны ывла вылын дзоньвидзалун енмодом могысь.

Он од лысьт тэысь на гырысьджык чина йозыдлысь не кывзысьныто.

Асывнас котортоньы Корткерос сикт кузя райком керка весьтланьо томьяс и порысьджыкьяс. Томьяслон кокьясыс сомьин и печласьоны-тринькьялоны, порысьяс одва кокьяснысо кысконы, кашконы.

Аддзас ошиньодыд райком жырьяс мыськысь-пелькодысь аньыд, кватитас киас ведра да горзёмон: «Райкомыд сотчо!» — которон на борся.

* * *

Кызь во сайын Сыктывкаро воліс Англияса учёной Джон Гордон Коутс. Ветліс сийо и коми сиктъясо.

Оти сиктса столовойо мян коми учёнойяскод сийо пырис пажнайтны.

Вайисны пызан вылө сёян да кын вуй. Пурт, дерт,
эз вайны, абу өд ресторанын.

Джон Гордон Коутс кутис ичөт паньон кын вуйсө
мавтны нянь вылө. Пань кусыньтчис, быгтгё сийос кочог
босьтис.

Кухня өдзос дорын сулалысь пусысь-пөжасысь
лөгакодь броткыштіс:

— Этайё кузь ныра иностранечыс паньсө чегас!

— Пуртгё вайой дай, ог чег! — мича коми кывйон
вочавидзис мөдыс.

* * *

Суседлөн ломтысьö пывсяныс середаö...

— Мый нө вежон шөрас пывсян, Олюксан? —
юалö мамö.

— Аски са лэдзны көсья пач трубаысь,— зэв збы-
лысь вочавидзис мөдыс.

ЮРИНДАЛЫСЬ

КЫВБУРЪЯС

Сьолём дой	6
«Дженъыд мортлөн олөмыд...»	7
«Мыйла тэ мен медся муса...»	7
Чужтём кагаяслы	8
«Челядь руёй оз и пет...»	8
Оз инась лов	9
«Кутшөм дыр нин...»	9
Кор эм тэ	10
Гортём пон	10
«Садьми — лөз югыд на сөмын...»	11
Быдтор төдны көсийсь кань	12
Тшакьяс	13
Вотчан кадө	14
Кадьсь водз	15
Чужан гортын	16
Кассяна во	18
«Потшөс дорын сулалө...»	20
Чужан сиктын	21
«Ган дженъыдөсь гожөмьяс...»	22
«Букыш енэжыс...»	23
«Шуи аслым: муна...»	23
«Шонді вөлі югыд...»	24
Ме шуда вөлі	25
Янсөдчөм водзвылын	25
«Эз на виччысь некод төв...»	26
Кузьма	27
Асья кыа бөрся	28
«Кор пөчлысь петкөдісны горт...»	29
«Му люкавтөдзыс овны...»	30
Олём	31
«Оз помась некыдз тайө войыс...»	31
«Ратшуні да шөри поті...»	32
«Асывнас, кор шонді...»	33

«Карад тулысыд няйт...»	34
Июль	34
Зэра кымөръяс	35
Мунёны ёртъяс	35
Мыйён ола ме	36
Олём-вылём	38
«Нопийой сьокыд, туйыс кузь...»	39
Челядьдыр	40
Кор сьолёмыд измёма	41
Февраль	42
«Челядьдырöй вöтö нин оз усьлы...»	43
«Ме шондсьыс на водз...»	44
«Важён гаръяс потисны...»	44
«Быд кулысь-муныськөд...»	45
«Эм-ö мөдар югыдыс...»	45
«Талун луныс...»	46
«Мем талун лов выпын...»	47
«Матысмö нин тулыс...»	47
«Лöз югыд на...»	48
«Ен югыд ывлаöй, ывлаö...»	49
Менам сыллан	49
Тöлыся вой	50
Тэнад чужан лунö	51
«Лэбöны медбөръя коръяс...»	52
«Видза олан, чужан муöй!..»	53
Көдзыд февраль	54
Пöрысылун	55
Миян дой	55
«Муыс-ваыс кынмис бара...»	56
Олём чужтысьяслы	57
«Радейта асывсö...»	58
«Висьöмгьяслы некөн абу помыс...»	59
Майшасьöм	59
«Югдытöдзыс зэв на ылын...»	60
Сьолём бердöдз ставыс инмö	61
Котöртö нывка — март тöлысь	62
Помасяс-ö олöмыс Му вылас	63
«Сылас лым...»	64
«Вильыш нывка...»	65
Тöвланьö	66
Октябрь	67

Празникөн, бур войтыр!	68
Ю вылын	69
Поэтлы памятник	70
Миян керка абу таса	72
«Февраль нин...»	73
«Ывла лунысь луно...»	74
Воо пыригөн	75
«Бара со сьолөмс...»	77
Шойнаягын	78
Медбөръя козин	79
Мамöлы да чойлы	80
Ас чужан му вылын	82
Чужан кыв	83
Арся рытö	84
Курыд шмонь	85
«Дивитанныд менö...»	85
Чадö воим	86
«Экма да окма!...»	87
Лөк во	88
Морттö думыд сөйö	91
Сьолөм бара вөрзис	92
Чужö сьыланкыв	93
Рака	94
«Нетшыштсьöма вужйöс...»	94
Кытчö мунам?	95
Коми муын гожöм	96
Чукыль-мукыль уна тöдö	98
Эг и тöдлы	102
Олөм век пом ни дор (<i>поэма</i>)	107

ПЕТЫР САНЬÖЛÖН НЮМСЕРЪЯС

Понтшак	116
Выль юралысь	117
Гижысьяслөн олöмысь	118
Нимлун сөйим	120
Пöлатысянь кроватьö	121
Кодлы шедö, кодлы оз	123
Медмича тшак	123
Сöстөм сынöd	124

Миян пемӧсьяс	125
Вӧр керкаын	126
«Эн коль»	127
Шьшгъяс	128
Васька	130
Ловгья юрӧн — мӧдар юггдӧ	131
Ошкыд ӧд мича	133
Кослун	134
Нюмсергъяс	137

Литературно-художественное издание

МИШАРИНА АЛЕКСАНДРА ПЕТРОВНА

БОЛЬ В СЕРДЦЕ

Стихи, смешинки на коми языке

Редактор *А. В. Тентюков*

Художественный редактор *Г. Н. Шарников*

Технический редактор *З. А. Поздеева*

Корректор *Н. Ф. Габова*

Компьютерная верстка *А. В. Кетова*

ЛР № 010039

Сдано в набор 1.10.96. Подписано к печати 2.12.96.

Формат 70х90/32. Бумага офсетная. Гарнитура «Водони».

Печать офсетная. Усл. печ. л. 5,27. Уч.-изд. л. 4,8.


Тираж 1000. Заказ № 3380

Коми книжное издательство.

167610, г. Сыктывкар, ул. К. Маркса, 229.

Отпечатано в Кировской областной типографии.

610000, г. Киров, Динамовский пр., 4.



4500 =

